


کلیات داستان شیرویه دشکاری



بزمبان آذربایجانی



ناشر کمانخانه فردوسی تبریز

چاپ سخی محفوظ

کتاب

شیرویه و شکاری

نشر ایدن

کتابفروشی فردوسی

تبریز - بازار شیشه گرخانه

بسم الله الرحمن الرحيم

کتاب شیرویه و شکاری

المدلله رب العالمين والصلوة واسلام على محمد وآله والطاهرين
اما بعد راويان اخبار وناقلاں آثار ووطوبيان شكر شكن و شيرين گفتار
بله روايت ايليوبلر كه معرب شهرينده بير حاكم واريدي كه آدى
سلطانملك دى بو حاكمين ايكي اوغاي واريدي بيوك اوغلي ارچه و
كيچيك اوغلي شيرويه ايدى بير گون هرايكيسى حاكمين ياننا گلوب
وهرسى ئوز يرينده اوتوردى حاكم ئوز اوغلانلارينا باخيردى گوردى
كه شيرويه وزيرلرينن صحبت ايلير حاكم وزيرلردن سوروشدى كه
بولاردان هانسي مندن سورا حاكم اولاروزيرلر اشاره ايله شيرويه نى
نشان ويرديلر ارچه قضيه نى آنلادى ولى بير سوز ديمه دى نچه گون
بوايشدن سورا حاكم ايكي اوغلانلاريله شكاره گتدى وقتي كه جنگله
يتشديلر ناگاه بير شير چخدى شاه اوغلانلارينه اشاره ايلدى ارچه
ديدى هر كسين حكومت فكرى وار شيرين قباقه گنسون شيرويه كناره
چكيلوب ديدى منيم كه حكومت فكريم بو خدور ارچه ديدى شيرين

قورخوسی سلطنت فکرین باشندان چخارتدی بوسوز شیرویه آغر
 گلیب شیره طرف گتدی شمشیری ایله وردی که شیر ایکی بولوندی
 تمام سپاه آفرین دیدیلر بوماجرادن بیرمدت گچدی بیرگون ارچه
 شکاره گتمشدی حاکم امرویردی درباری بزیوب شیرویه نی حکومت
 تختنه اگلشدیردیلر حاکم تاجیل شیرویه نین باشنا قویوب دیدی میدن
 سورا شیرویه سیزین حاکموزدی بوخبر ارچه یه یتشدی ئوزون بار -
 گاهه یتیردی چون شیرویه نی سلطنت تختنده گوردی تبریک دیدی
 حاکم رچه دن سوروشدی هارا گتمشدون ارچه دیدی شکاره گتمشدیم
 بیرمدتن سورا بیرگون ارچه شکاره گیدیردی شیرویه دیدی صبرایله
 منده گلیم بس شیرویه حاکمین یاننا گلیب اجازه ایستدی حاکم دیدی
 گیت اما تیز گل شیرویه ئوز غلاملرین گوتوروب شهردن چخدیلار
 بیرقدر یول گیدندن سودا بیرایکی حیوان شکارایلیوب گجه نی چولوه
 قالدیلار او بیرسی گون سوار اولوب ارچه غلاملره دیدی سیز چادر
 ورون بیرده بیرآز دولانوب قایداق پس ارچه و شیرویه آتی قووب
 اوزاقلادیلار گون اورتا چاغی بیرقویونون باشنا یتشدیلر ارچه دیدی
 من چوخ سوسوزام پس آتدان ینوب ارچه کمندی ئوز بلنه باغلیوب
 قوییه گتدی سو ایچندن سورا شیرویه کمندی چکوب ارچه اشیکه
 چخدی سورا شیرویه کمندی بئله باغلیوب قوییه گتدی ایلکه دویونجا
 سواشیدی کمندی ترپتدی ارچه کمندی چکوب ایلکه قویونون یارسنا
 یتشدی دیدی اگر حکومت ایلماقی چوخ سو بورسن بوردایا خشی
 حکومت ایلماق اولارپس خنجری چخادودوب کمندی کسدی شیرویه
 قوییه دوشدی سورا خنجرین شیرویه نین آتین یارالبوب آغلیه آغلیه

غلاملرین یاننا گلدی دیدیلر شیرویه نه اولدی آغلیه آغلیه جواب
ویردی که آت قووردوق تا بیر جنگله یتشدون شیرویه داخل اولدی
بیر آزادن سورا گوردوم آتی یارالی گلیر چون قباقه گتدیم گوردوم
بیر شیر شیرویه نی ثولدوروب چون بو خبر حاکمه یتشدی حاکم بیهوش
الولوب تختدن یره دوشدی چون هوشه گلدی امر ویردی شهرده هامی
تعزیه دوتدولار بیر مدتدن سورا غصه دن وفات ایلدی ارچه تعزیه نی
یغشدیروب ئوزی حکومت تختنه اونوردی

شیرویه نی ارچه سوداگر لباسنده کورماقی

بیر نفر سوداگر واریدی که اونا خواجه غنی دیدیلر بیر گون
آیری تاجر لرین سیرویه اولان قویونون باشنا یتشدی تاجر لردولچانی
قوییه سالادیلار سوچکسینلر شیرویه دولچادان یاپشوب اشیکه گلدی
چون تاجر از شیرویه نی گوردولر دیدیلر س حضرت یوسف دور که
اولارین الیه نجات تاپوب اونا گوره اونون دوره سنه یغیشیب خواجه
غنی سوروشدی که ای جوان سن کیمن و کیمن سنی یوقوییه سالوب
شیرویه دیدل اول منه طعام ویرون تا فوت تاپیم سورا شرح حالیمی
سوروشون پس طعام گتیردیلر ایلکه دویونچا یدی تمام ماجرانی شرح
ویروب دیدی بولونکه من مغرب حاکمین اوغلیام سورا اولاردان
سوروشدی که سیز کیمسوز و هارا گیدیرسوز دیدیلر بیز سوداگروخ
یمن دن گلوب کرشته شهر نه گیدیروخ سنده بیز یلن گل شیرویه دیدی

من اگرسيزلن گلسم ارچه باخبر اولوب منی ئولدوره ر خواجه دیدی
 خاطر جمع اول نقد من وارام قویمارام باشوندان بیرتوک اسگیلسین
 القصه شیرویه سودا گرباسی گیوب کرشته شهر نه وارد اولوب بیر-
 کاروانسرا ده منزل دوتدولار بیر نفر ارچه نین ملازملریندن خواجه نین
 منزله گلدی شیرویه نی گورماق همین تانیوب ارچه یه خبر ویردی ارچه
 افسرده اولوب امر ویردی خواجه نی غلاملاریله حاضر ایلسونلر مامور
 گلیب خواجه نی غلاملاری ایله آپاردی خواجه هرقد ایستدی شیرو-
 یه نی آپارماسون مامورلار قبول ایلمدیلر چون اولاری ارچه نین بار-
 گاهنه آپاردیلار ارچه نین گوزی شیرویه یه دوشدی که سودا گرباسی
 گیمشدی دیدی بو اوغلانی هاردان گتیرمسن دیدی بومنینم غلام خانه
 زادیمدور که نه نه سی کر جستانلی دور ارچه دیدی بو غلامی منه سات
 خواجه دیدی بونون بیر تو کون دنیا یه ویرمرم ارچه دیدی ایندیکه-
 ساتمیر سان بونی گوتوروب بو شهر دن آپار خواجه قبول ایلدی پس
 عازم یمن اولدی چون شهره یتشدیلر شیرویه سوروشدی که بو شهرین
 آدی ندور خواجه دیدی بورا یمن دیبرلر شیرویه دیدی گوردون که-
 آخرده منی ئولومه ویردون خواجه علتین سوروشوب شیرویه دیدی
 بوردا منظر حاکم حکومت ایلربیز مسلمانوق ولی بولاربت پرستدیلر
 ونچه یول آتامنان جنگک ایلیوب اگرمی تانیسا ئولدور خواجه غنی
 دیدی غصه ایلمه که تا منده جان وار قویمارام سبه صدمه یتشسون پس
 شیرویه درویش لیق بباسی گیوب شهره وارد اولدولار

شېرويه نى يمن حاكمى دوريش لباسندۀ گورماقى

چون يمن اهلى شېرويه نى گوردولار كه جمالينين نوري عالمى
منور ايليوب دسته دسته تماشايه گليرديلر منظر حاكمه خبر يتشدي
خواجه نى چاغىروب ديدى ايخواجه بودفعۀ نه متاع گتيرمسن خواجه
ديدى بودفعه هر نه ايسته سوز گتيرمشم حاكم ديدى ايستمشم بير
درويش اوغلان گتيرمسن خواجه ديدى بلى حاكم ديدى نيه درباريه
گتيرمدون ديدى چون لايق خدمت دگل اونا گوره گتيرمديم حاكم
ديدى فورا گيدوب اونى بورا گتير خواجه كاروانسرايه گلدى شېرويه
گوردى خواجه نين رنگى آتوب علتين سوروشدى خواجه ماجرانى
شرح ويردى شېرويه ديدى اوخالق كه اينديه جن منى حفظ ايليوب
بوندان سورادا منى ساخلار پس دوروب حاكمين خدمتنه گتدى و
تعظيم ايلدى حاكمين ايكي وزيرى واريدى بيرى بهمن و اوبيرسى
خجند حاكم بهمنه ديدى بولمورم نيه بو درويشى گورماقدان حاليم
خراب اولدى سورا ديدى ايخواجه بونى هاردان گتيرمسن خواجه
ديدى منى اولاديم اولماز دونن بيردرويشى گوردوم كه چوخلى اوغلى
واريدى اولادسيزليقدان شكايه ايلديم اوره گى يانوب بو اوغلانى
منه ويردى حاكم ديدى بونى منه وير خواجه ديدى پيشكشدى
آخشامه جن صحبت ايلورديلر آخشام كه اولدى خواجه رخصت آلوب
گتدى تمام ائانه سين گوتوروب شهر دن چخدى خواجه گندن سورا

حاکم خچند وزیره دیدی بو اوغلانین باره سنده نه فکر ایلیسن خچند
 دیدی بو اوغلانین هرایشه استعدادی وار ، پس حاکم امر ویردی
 شراب گتیروب باده ایچماقه مشغول اولدولار حاکم شیرویه دن
 سو وشدی که شراب ایچرسن شیرویه دیدی اینه یه جن ایچمشم حاکم
 چوخ اصرار ایلدی شیرویه می ایچماقه مشغول اولدی آخشامه جن
 عیش ونوشه مشغولیدیلار گجه هامسی مست اولدولار بیرزماندن سورا
 هوشه گلویله گوردولار درویش شراب ایچماقه مشغولدی هنوز مست
 اولمیوب حاکم بهمن وزیره هله درویش مست اولمیوب بهمن دیدی
 ای حاکم بودرویش قدرد دور که قویون شکلافه دوشوب خچند دیدی
 بو درویش تریاکی دور هر کس تریاکی اولسا اونا شراب اثر ایلمز
 بونی مه ویرون تا امتحان ایلیوم شاه قبول ایلیوب خچند شیرویه نی
 ائوز ایوینه آپاروب دیدی یاخشی ایلدون که ئوزوی تانتمادون یوخسا
 سنی نابود ایلردیلر شیرویه دیدی بیهوده ئوزوی یورما من گوزومی
 آچاندان ئوزومی بولباسده گورموشم وزیر هر نقدر حیلله ایلدی نتیجه
 آلانمادی عاقبت ئوز اطاقنه گتدی شیرویه فکر دن یانانمیردی

شیرویه ایله خچند وزیرین قیزینین طوی

خچند وزیرین بیر قیزی واریدی چو ن آتاسندان شیرویه نین
 تعریفین اشتدی گورممش اونا عاشق اولدی گجه یارسی ئوزون بزیوب
 بیر شمع یاندیروب شیرویه نین یاننا گتدی ایستدی شیرویه بین اوزندن

اپسون الی تتریوب شمع شیرویه نین اوستونه دوشدی شیرویه یوخدان
 آیلوب گوردی بیر حوری کیمبن قیزباشی اوسته دوروب سوروشدی
 سن کیمسن و بورا نه آیچون گلمسن دیدی من خجند وزیرنن قیزیهم
 که سنه عاشق اولمو شام شیرویه دیدی بیر بیر آدامنان که دوزچو ره
 یدوق اونلایا خیانت ایلمروق وزیر بسوزاری اشتدی اؤرا گلرب
 دیدی معلوم اولور که سن حاکمزاده سن من بو قیزی سنه کنیز و بردیم
 پس اولارین عقدین اؤخویوب اطافدان اشیگه چخدی او ایکی رعنا
 بیریرینون وصلندن کامیاب اولدولار سحرچاغی حاکمزاده ئوز شرح
 حالین وزیره دیوب چوخ شاد اولوب حاکمین بار گاهنه گلدیلر خجند
 دیدی ای شهریار هر قدر تدبیر و حيله آیلدیم غیراز پوستین و کشکول
 بیرسوز دیمدی حاکم بهمن وزیره دیدی گوردون که یالان دیمور
 بهمن دیدی اگر ایستیرسن بوایش معلوم اولسون امر ویر غلاملار سلاح
 گیوب سیزده سواره شهردن اشیگه چخون پس حاکم ویردی که تمام
 غلاملار سلاح گیوب شهردن اشیگه چخسونلار

شیرویه نین مسلح اولماقی

چون شیرویه نین گوزی غلاملره دوشدی دیدی بولار جنک ایلماقه
 کیدیراز حاکم دیدی بیزیم ایلده نچه گون بایرامموز وار شهرین
 کنارینده بیر میدان وار خلق اورا یغشوب غلاملر چرگان اوینانلار اگر
 سنونده میلون وار گل حاکمزاده دیدی منیم آتیم یوخدور حاکم امر

ایلدی بیر آت گتیردیلر حاکمزاده آتا منینمان همین آتین بئلی سندی
 القصه شیرویه اوچ آتین بئلین سندیردی آخرده شاه غضبه گلیب میر
 آخره ددیدی بیردانه آت تاپیلور بو درویش مینسون میر آخور دیدی
 امر ویر ئوزی گیدوب فرنک حاکمی یولیان اژدها خوار آتی که
 هیچکس اونون یاننا گیده بولمور مینسون حاکم قبول ایلیوب
 شیرویه آتین یاننا گتدی آتی دوتوب حاکمین یاننا گتیردی حاکم وزیر-
 لرینن حیرتده قالوب حاکمزاده دیدی امر ویر بونا لایق سلاح گتیر -
 سونلر حاکم حرمین خواجه سین چاغیروب دیدی گیت سیمین عذاره
 دینه که عمم دن قالان سلاحلری ویرسون خواجه سیمین عذارین یاننا
 گلوب حاکمین امرن یتردی حاکمزاده دیدی آتام بوسلاحلری نه -
 ایچون استیر خواجه کیفیتی دیروب او قدر شیرویه نی تعریف ایلدی که
 حاکمزاده گورممش عاشق اولدی خواجه سرا سلاحی گتیروب شیرویه
 غرق آهن و فولاد اولدی پس حاکم سوار اولوب شیرویه ده مرکب
 اژدها پیکره مینوب میدانه روان اولدولار سیمین عذار ئوز قصر نیدن
 باخیردی که طبل چالینوب حاکم شیرویه ایله میدانه وارد اولدی سیمین
 عذار شیرویه نی گ رماق همین عاشق اولدی پس ئوزباشننان ببردانه
 مروارید چخاردوب شیرویه یه طرف آتدی شیزو ه باشین قوزیب بیر
 دایه حوری کیمین قیز گوردی شیرویه میدانه گلیب گوردی دلاورلر
 میدانده ایکی ایکی شمشیر بازلیق ایدیلر شیرویه حاکمدان اجازه
 ایستدی که اودا میدانه گتسون حاکم رخصت ویروب شیزویه میدانه
 گیدیبارز ایستدی حاکم مهراسی که بیر جنگاور پهلواندی چاغیروب
 دیدی من بو درویشدن چوخ خوفناکم اگر اونون باشین گتیرسن

شپرویه نین الینده مهرا سین ئولماقی

مهرا س آتین قووب میدانه گلدی و شمشیر نازلیق آیلماقه مشغول
اولدولار حاکمزاده گوردی مهرا س استیر اونی ئولدور سن شمشیری
چکوب دیدی ای مهرا س ایندی بولدوم که ایستیر سن منی ئولدوره سن
بوی دیوب شمشیری ایله مهرا سین باشنا وردی که آتی ایله ایکی
بولوندی حاکم دیدی ای بهمن گوردون که بودروش دگل بووقته
داغین کناریندن توز قالمخوب بیر نفر فیل سوار ظاهر اولدی حاکم بیر
نفر یولادی گورسن کیم دور غلام یاخنا گیدوب فیل سه آر سوروشدی
بولشگر نه ایچون بوردا جمع اولوب غلام دیدی بر حاکم لاشگر-
یدور بوگون بیردرویش گایب که چوخ شجاعته لی و ئوزوده مسلمان دور
بوگون مهرا سی که معروف پهلوا لاردانیدی ایکی شقه ایلدی سورا
سوروشدی سن کیمسن دیدی من قرطاس شام سناهنین سر لاشگریه
سرهنگ شام منیله حاکمه نامه یولیوب من مسلمانلارین دشمنیه اول
گیدی بومسلمانی ئولدوروم پس میدانه گایب حاکمزاده حمله ایلدی
شپرویه دیدی سن کیمسن که یولدان یتشممش منلن جنث ایلیسن قرطاس
دیدی من سرهنگین طرفدن نامه گتیرمشم اشتدیم که سن مسلمانسن اول
گلدیم سنی ئولدورم پس عمودی چکوب حاکمزاده ایله وردی که
سپردن شعله قالمخدی پس شپرویه عمودی چکیب ایله قرطاسین باشنه

وردی که فیل تاب گتیرمیوب بٹلی سندی حاکمزاده قرطاسین سینه -
 سنده اوتوروب دیدی دوزدی گوروم بورا نه ایچون گلمسن قرطاس
 نامه نی ویردی حاکمزاده گوردی یازوب که ای منظر حاکم اشمشم
 که پرده عصمتده بیرقیزون وار ایندی من اونا عاشق اولموشام ئوز
 سپهسالاریمی یولادیم فوراً قیزی کجاوه ده یولا واکریولاماسان جنک
 ایلباقه حاضر اول وبو نودا بولورسن که لشگرشام یمن لشگرینین یوز
 برابریدی . حاکمزاده نامه نی اوخویاندان سورا اونون سینه سندن
 قالخوب دیدی آپار نامه نی حاکمه ویرسورا ئوزی حاکمن یاننا گلدی
 حاکم سوروشدی ایندی که دشمنزی مغلوب ایلدون نیه ئولدورمدون
 شیرویه دیدی هچکس ایلچنی ئولدورمز اوسره نک دن نامه گتیروب

منظر حاکمین قیزینا شام سلطانین ایلچی یولاماسی

حاکم چون نامه نین مضمونیندن مطلع اولدی پریشان حال اولوب
 دیدی سرهنک شام سیمین عذاری ایستیوب اگر قیزی می اونا ویرمسم
 اونون سپاهنین عهده سندن گلنمرم بهمن وزیر دیدی ایشهریار سرهنک
 هر نه دیور عمل ایلون یوخسا تاج وتخت ومال وجانوز گیدر قرطاس
 بیر نفر دور اونی ساکت ایلماق اولار ولی سرهنک ال چکمز حاکم
 خجندوزیره دیدی سن نه دیور سن خجند دیدی بهمن وزیر دوز دیور
 سوار حاکم اوزون شیرویه یه چوروب اونون عقیده سین سوروشدی
 حاکمزاده دیدی او عاردور که ئوز قیزی وی اسیر کیمین سرهنکین

بار گاهنه یولیا سان شاه دیدی پس نه ایش گوراق شیرویه دیدی اجازه و یرون من اونون جوابین و یرم حا کم قبول ایلدی حا کمزاده خنجرین چخاردوب قرطاسه دیدی نامه نی گره ك ییه سن والا خنجرنن دورارام قرطاس فورا نامه نی اوتدی حا کمزاده اونون قولاقلارین کسب دیدی سرهنکه دینه که سن نه کاره سن که حا کمه تـوهین ایلیمه سن قرطاس روان اولدی حا کمین بدنی لرزیه دوشرب دیدی گوردون که مملکتیم برباد اولدی حا کمزاده دیدی هـ چ غصه ایلمه که اگر قویسام سرهنکین بغازیندان زاحت سو گتسون کیشی دگم . باری منظرشاه پریشان حال حال شهره قایدوب وزیرلری چاغیردی دیدی گوردوز بودرویش نجه مملکتی باده و یردی بهمن وزیر دیدی اگر ایسته سن سرهنکین الیندن آسوده اولاسان سیمین عذاری شامه یرلیوب بودرویشی ده اللرین باغلیب سرهنکین بار گاهنه یولیوب عذر ایسته سوز بوسوزی حا کم قبول ایلیمه و تمام وزیرلر راضی اولدولار

شیرویه نین سیمین عذارین یاننا گتماقی

سیمین عذار شیرویه نین عشقندن آرام تاپمیردی گجه تمام خدمتکار- لری مرخص ایلدی فقط ماه جبین که سیمین عذاری چوخ ایستردی و محرمدی قالدی سیمین عذار آغلیردی و عشق دردیندن پیچ وتابده ایدی ماه جبین حا کمزاده نین ایاقلارینا دوشوب دیدی ایشاهزاده نه ایچون آغلیرسان منه دردوی بیان ایله بلکه علاج ایلیم حا کمزاده دیدی من

بو درویش اوغلانا عاشقم صبر و قراریمی ایمدن آلوب ایندی اونون
 یاننا گیدوب هر نه جور اولسا اونی بورا گتیرماه جبین بیر شمع گوتو-
 روب شیرویه نین اطافنه گلدی شیرویه گوردی بیرماه طلعت قیز بیردانه
 قزیل شمعدان الینده وارد اولدی سوروشدی سن کیمن و بوردا نه -
 ایشون وار ماه جبین دیدی حاکمزاده سیمین عذار سیزی گورماقه
 مشتاق دور شیرویه خوشحال اولوب قصره روانه اولدولار ایلکه باغین
 قاپوسنا یتشدیلرماه جبین دیدی سن بوردا اول من حاکمزادیه مژده
 ویریم ایلکه ماه جبین گتدی شیرویه صبرایلیوب باغه وارد اولدی
 قصرین چراغلارین گوروب روانه اولدی ایلکه قاپریه یتشدی قاپونی
 دو گدی سیمین عذار گمان ایلدی عمو او غلیسی قهرمان دور که نهچه
 یول خواستگار لقه گامشدور دیدی ای بی ادب نه وقتنه جن آل چکمییه -
 جاقسان بر دفعه شمشیر ایله ئول دوررم بو وقتنه ماه جبین یتشوب دیدی
 بوهمان جوان دور که منی اوندان اوت ر یولادون سیمین عذار چوخ
 شرمنده اولدی قالخه ب قاپونی آچدی و حاکمزاده شیرویه نی خلوته
 آپاروب عذرا یتدی ماه جبین شراب حاضر ایلیوب ئوزی ساقی اولدی
 حاکمزاده سیمین عذار اوتان دیقندان باشین یه خاری قوزامردی ایلکه
 بیرایکی گلاس شراب ایچدی لر و باشلاری باده احمر دن مست اولدی
 قولارین بیر بیرینون بوینونا سالوب راز و نیاز مشغول اولدولار القصه
 دورت ساعت عیش و نوشه مشغولیدی لار تا اینکه زمانه غدار اولارا
 حسد ایلدی

شیره نین ز خمدار اولماقی

حاکمین قهرمان آدلی بیر دایی اوغلیسی واریدی که نچه گونیدی
شکاره گتمشدی شکاردان قایداندا ماجرانی بونا شرح ویردیلر قهرمان
غضبه کلوب ئوز قلبنده دیدی که منظر شاه منی تولاوب قیزینی شامین
حاکمنه وبره جاق یاخشیسی بودور که بو گجه گیدوب سیمین عذاردن
کام دل آلام پس روانه اولدی چون حاکمزاده نین حرمه یتشدی
گوردی حاکمزاده درویش ایله عیش ونوشه مشغولدی بیر آغاجین
دالسینده گیزلندی ایلکه اولار مست اولوب یوخلادیلار ماه جبین
دوروب آیری اطاقه گتدی قهرمان فرصت تاپوب اولارین باشی اوسته
گلدی فلنجی چکوب ایله شیرویه نین باشنا وردی که حاکمزاده نعره
چکوب هوشدان گتدی وقهرمان فرار ایلدی چون سیمین عذار او
وضعی گوردی آغلاماقه باشلادی ماه جبین دیدی آغلاماقدان فایده
اولماز بونی آپاروب بیزیره قویوم بلکه الله بیروسیله ایله بویانجات
ویره پس حاکمزاده نی گتوروب حرمین باغنین دالسیسی که بیابانه
منتهی اولوردی سالدی

چون سحر اولدی حاکمه خبر ویردیلر که درویش قاچوب دور
حاکم پریشان حال اولوب بهمنه دیدی بودرویش شهره انقلاب سالدی
بهمن دیدی بوجوان یمنی خراب قویماقدان اوتری گلمشدر هر نه
سویردی ایلیموب آخرده فرار ایلدی حاکم دیدی پشیمانلقدان فایده

يو خدور بيز گرهك جنك تدار كي گوراق آگر غالب اولدوق فها واگر
 مغلوب اولساق كيشي كيمين ئولرووق وبوننگي قبول ايلمروق
 چون ماه جبين حا كمزاده شيرويه نى بساغين ديوارنن دالسا
 قويدى اوراين بسا خلقندا بيرداغ واريدى كه اوردا قرخ نفر اوغرى
 زندگانلىق ايلبرديار اولارين رئيسى بير نفر سياح آدلى بير اوغريدى
 او گجه سياه ديدى هر كس گيدوب شهر دن منه تحفه گتير سه اونا خلعت
 ويرم بير نفر فيروز آدلى اجازه آلوب شهره روان اولدى چون قصرين
 ياننا يتشدى گوردى بير يارالى جوان دوشوب وچو خلى جواهر و اريدور
 خوشنود اولوب فورا جوانى يولداش لارينون ياننا گتيردى سياح ديدى
 بير حكيم تاپون بو جرانى معالجه ايلسون فيروز گلوب بير اعمش آدلى
 جراحين قاپوسون دو گدى اعمش قاپويه گلوب فيروز ديدى بيز روم
 شهر ندن گايروق بولدا اوغرو لار بيزه حمله ايلدى و بير نفر بولداش لار-
 يميزدان يارالاندى اونى شهره گتير نمدوق گل اونى معالجه ايله اعمش
 بير مقدار دوا گوتوروب روانه اولدولار چون مغازيه يتشديلر سياح
 اعمشه چرخلى پول ويروب اعمش معالجه ايلماقه مشغول اولدى ايكي
 ساعت دن سورا شيرويه گوزلرين آچوب اوغرو لار شاد اولدولار
 چون سرهنك قرطاسى او وضعده گوردى غضبلنوب ديدى كيم
 سنى بو حاله سالدى قرطاش ماجرانى ديبرب سرهنك امرو بردى تمام
 سردار لار جمع اولوب بير آيدان سؤرا لشگر بمنه حر كت ايلديلر بولدا
 هريره يتشيدلر غارت ايلايوب جماعتى ئولدوروردلر خلاصه ايگر مى
 گوندن سورا سپاه شام يمه يتشيب خيمه ورديلار بو خبر منظر حا كره
 يتشيدى منظر حا كم مضطرب اولدى او بيرسى گون ايكي لشگر جنك

طلبی چالوب میدانده صف چکدیلر شام سیاهندن بیر نفر میدانده گلیب
مبارز ایستدی یمن سپاهندن بیر سوار میدانده گتدی بیر مدت جنک ایلیندن
سورا شام سواری نیزه ایله یمن سوارین ئولدوردی

شیرویه نامدارین شام قوشونیه محاربه سی

چرن شیرویه نجات تاپدی اونون محبتی اوغریلارا اثر ایلوب
اولار مسلمان اولدولار حاکمزاده لشکرین گلماقندان مطلع اولوب
دیددی بوجنگی من سالمشام گرهک میدانده گیدم اوغریلار دیلر اجازه
ویر بیزده سلاح گیوب سنلن گلاق شیرویه دیددی سیز بوردان باخون
گورون نجه جنک پس سلاح گیوب روانه اولدی داغین انکنده گوردی
ئوز آتی اوت اوتلاماقا مشغولدی پس اونی منیب بیر تپه نین اوستونده
دوردی میدانده بیر نفر شامی میدانده گلوب هر کس یمن لشکریندن
میدانه گدیر ئولدورر داهی هیچکس جرئت ایلمردی قباقه گتسون
پهلوان دیددی ای منظر حاکم بیردانه قیزی سرهنگه ویرمدون یسن ملکی
و حاکم لقون المیندن گتدی بوزماندا گوردولر داغ طرفندن نقابدار
پهلوان میدانده گارب دیددی ای خیره سر بهوده دانشما پس بیر نیزه اونا
وردی که فارنندان گچوب کوره گندن چخدی سورا شام لشکر نه اوز
چوندریب دیددی ای سرهنگ دییر سن بسکه مملکت بی صاحب دور ایندی
مبارز یولا سرهنگ دیددی بیر نفر گیب اونون باشین گتیرسون ارقش
آدلی بیر پهلوان میدانده گیدیب نیزه نی شیرویه حواله ایلدی اونیزه نی

رد ایلایوب قلنجی ایله ارقشین بئلندن وردی که ایکی بولوندی داهی
 هیچکس جرئت ایلمردی میدان گتسون سرهنک دیدی هنوز جنگین
 اولیدی و بو پهلوان بیر نفر دور بیر نفر گیدوب اونسی ئولدورسون
 هیچکس قورخودان حرکت ایلمدی سرهنک ایستدی ئوزی میدانه
 گتسون طوفان که معروف پهلواندی سرهنکه تعظیم ایلایوب اجازه
 ایستدی دیدی معلومدی که بو نقابدار منظرشاهین قوهملارینداندور
 گور بلکه تولیوب ورا گتیره سن طوفان میدان گلیب دیدی ایجوان
 سن سر کرده بقا لایقسن گل سبی سرهنکین خضورنه آپاروم حا کمزاده
 غضبه گلوب نیزه نی طوفانه حواله ایلدی طوفان اونسی رد ایلایوب
 قلنجی حا کمزاده قلنجی الندن آلوب ایله طوفانین بئلندن وردی که
 ایکی شقه اولدی منظر حا کم امر ویردی تا بشارت طلبی چالسونلار
 سرهنک گوردی هیچکس نقابداره غالب اولمیا جاق امر ویردی لشگر
 لشگر حمله ایلدی بو طرفدن یمن لشگری حمله ایلدی پهلوان قلنجی
 چکوب ئوزون شام لشگر نه وردی خلاصه آخشامه جن جنک مغلوبه
 ایلدی تا اینکه باز گشت طلبی چالینوب هره ئوز یرنه قایتدی حا کمزاده
 آتین قووب مغاریه گتدی سیاح دیدی بیز داغدان تماشا ایلیردوق واقعاً
 هر نه که جوانمردلیق علامت ایدی نشان ویردون پس حا کمزاده آیزی
 لباس گیوب حا کمزاده سیمین عذارین قصر نه روان اولدی بو طرفدن
 چون پادشاه جنگدن قایتدی وزیر لری چاغیروب سوروشدی بوجوان
 کیمدی که بیزه کمک ایلدی خجند وزیر دیدی شجاعته درویش
 اوغلانه اوخشوردی حا کم دیدی صباح اوندان غفل اولمیون که
 عذر ایستیاق

اما سرهنك پهلوانلارين جمع ايليوب ديسدي منين چوره كيم
 سيزه حرام اولسونكه بيرنفرى ئولدورنمدوز ديديلر غصه ايلمه كه
 صباح اونى نابود ايلروق سرهنكين بيرپهلوانى واريدى آدى خواريدى
 ويول گندنه اياقلارى يره كچردى سزهنك اونى چاغيريب ديسدى
 گوردونكه او نقابدار نجه بيزيم لشگري بيربيرنه وردى صباح سن
 اونى ئولدورسن آدين دنياده مشهور اول خونخوار ديسدى منه عار-
 گلور اونان جنك ايليم خلاصه ياتمان وقتى يتشوب هره ئوز يرنه
 گتدى .

شېرويه نين سيمين عذارين باغنا گتماقى و قهرمانى ئولدورماقى

چون شېرويه حرمين قاپوسنا يتشدى گوردى بير كنيز ديو كه-
 بو گون نقابدار بيورشادت نشان ويردى كه رستم داستانان گورشمشدى
 او بيرمى كنيزديدى شايد درويشدى سيمين عذار آغلاماقه باشلادى
 او قدر آغلادى كه بيهوش اولدى حاكمزاده قاپونى آچوب وارد اولدى
 سيمين عذار هوشه گليب شېرويه تمام احوالاتى شرح ويردى حاكمزاده
 ديدى هوا خوشدور بيراز باغدا دولاناق بو طرفدن قهرمان ئوز قلوبنده
 ديدى بو گجه گيدوب سيمين عذاردن كام آلام بو فكرنن حرمه
 طرف روانه اولدى چون باغا وارد اولدى گوردى شېرويه حاكمزاده
 ايله باغدا دولانيريز گوشه ده پنهن اولدى ايلكه حاكمزاده رختخوابه

گیدیڤ یوخلادیلر او کمینگاهدن چخوب ایستدی که اولارا طرف
 گتسون ناگاه ایاقی بیر آغاجا دگدی شیرویه آیلوب قهرمانی دوتدی
 کتک ورماقه سیمین عذار آیلوب کیفیتی سوروشدی شیرویه دیدی بو
 همان آدامدور که منی یارالادی ماه جبین دیدی قهرمان سیمین عذار
 دیدی یاخشی فرصت تاپدون امان ویرمه حاکمزاده بولدی که سیمین
 عذار قهرمانین ثولماقنه مایلدور فوراً اونی جهنمه واصل ایلدی صبح
 وقتی سیمین عذاری وداع ایلوب ئوزون مغاریه یتوردی

جنگ سپاه شام و شیرویه نامدار

چون صبح اولدی ایکی لشگر بیر بیرینون مقابلنده صف چکدب
 جنگ طبلی چالیدیلر سرهنک امر ویردی تختین بیر فیلین اوستونه
 قویسونلار تا نقابدارین جنگنه تماشا ایسون بیر نفر شام سپاهندان
 سپاهندان گلیب مبارز ایستدی ولی هیچکس میدان گتمدی حاکم منظر
 دیدی بلکه بو گون نقابدار گلمدی بیر نفر میدان گتسون پس قاطع آدلی
 بیر سوار میدان گتدی ولی بیر دقیقه نین عرضنده مغلوب اولدی شامی
 دیدی ای منظر شاه قیزوی ویر که پهلوانلاروین الیندن بیر ایش گلیمیر
 بو وقته حاکمزاده ئوزون میدان یتیردی سرهنک نقابدار گورما -
 قدان بدنی لرزه دوشدی شیرویه یتشماق همین شمشیری او سوارین
 باشنا وروب ایکی شقه ایلدی هیچکس قورخودان میدان گتمدی
 سرهنک مضطرب اولوب دیدی هر کس نقابدارین باشین گتیرسه

دولتمین یاریسی ایله قیزی می اونا ویررم بیر پهلوانی طمع تولیوب
 میدان گیدوب دیدی ای خیره سر گمان ایلدون که شام لشگرینه ایله
 بیر آدم یو خدور که سنی ئولدورسون بیزیم پهلوانلارا عار گلیر سندن
 اوتری میدان گلسونلر شیرویه دیدی ایدلور منی باغشلا من بولمدوم
 سنون کیمی پهلوانلار وار شامی دیدی که ئوز عالمنده منی مسخره
 ایلسن پس قلنجی چکوب حاکمزادیه حمله ایلدی شیرویه گویده
 اونون الندن دوتوب قلنجی آلوب ایله باشنا وردی که سپردن گچوب
 اونی ایکی شقه ایلدی هرایکی سپاهدن آفرین سسی بلند اولدی سرهنک
 دیدی گوردوز بوجوانین شجاعتین خونخواردیدی صباح اونن باشین
 گتیره رم پس سرهنک لشگره اشاره ایلدی سپاه شیرویه یه هجوم
 گتیردیلر بو طرفدن یمن قوشونی حمله ایلدی حاکمزاده ئوزون علمداره
 یتروپ علمی سرنگون ایلدی سورا سرهنکه طرف گتدی سرهنک
 قورخودان گیزلندی شیرویه صف لری یاروب ئوزون سرهنکه یتیردی
 قلنجی باشنا وړاند او حرامزاده باشین دالی چکدی شمشیر فلین باشنا
 دگوب یره بخلدی غلاملر سره گی آردان چخارتدیلار اوگون
 حاکمزاده دورت یردن یارالاندی چون باز گشت طبلی چالیدیلار
 شیرویه ئوزون مغاریه یتیردی اوغرو لار اونی پیشواز ایلیوب ایستدیلر
 زرهی بدنندن چخارتسونلار حاکمزاده نی یارلی گوروب غمگین
 اولدولار پس یارلارین باغلادیلار.

منظر حاکم شیرویه نی شهره آپارما فی

منظر حاکم ئوز سوارلاری ایله حاکمزاده نین ردین گوتوروب

گتديلر چون مغاريه يتشديلر حاكم منظر شيرويه نى گوروب ذوقدان
 بيهوش اولدى حاكم هوشه گلندن سورا ديدى اوغول گل شهره گيداق
 شيرويه ديدى من نقرر ديريه سيزين دشمنلر وزنن جنك ايلرم اما شهره
 گلرهم حاكم علتين سوروشدى حاكمزاده ديدى بونا گوره كه من
 مسلمانم سيز بت پرست حاكم ديدى من اول دفعه كه سنى گوردوم
 بولدوم كه مسلمانسن و سنون دينون برحق دور ايندى منده مسلمان او-
 لورام حاكمزاده كلمه شهادت ديووب حاكم منظر و تمام امرا علم مسلمان
 اولدولار پس شهره گيدوب بشارت طبلى چالديلار سرهنك طبلسسى
 اشيدوب علتين جويلا اولدى جاسوسلار خبر گتديلر كه نقابدار همان
 آدامدور كه قرطاسين قولقلارين كسدى سرهنك ديدى اى خونخوار
 صباح بيزى بو جوانين غمندن خلاص ايله خونخوار ديدى خاطر
 جمع اول صباح اونون باشين گتيررم .

خونخوارينن شيرويه نامدارين هجابه سى

سحر چاغى ايكي لشگر بير بيرينون مقابلنده صف چكوب شيرويه
 نامدار ميدانه گيدوب مبارزايستدى خونخوار فيله سوار اولوب ميدانه
 گتدى ديدى ايجوان منيم سنه اوره گيم يانير گل منيم ركابمى اوپ
 سنى سرهنگين ياننا آباروم حاكمزاده ديدى نايكار بيهوده دانشما
 خونخوار غضبه گلوب نيره نى شيرويه به حواله ايلدى القصه نيزه دن
 مراد حاصل اولمادى خونخوار عمودى چكيب ايله حاكمزاده نين

باشنا وردی که دنیا گم زونده تیره وتار اولدی بو حینده فیروز حاکمزه-
 اده نین اوزونه گلاب سپدی شیرویه گوزون آچوب فیروزی گوردی
 دیدی حریف زورلیدور فیروز دیدی سیمین عذار تماشا ایلیر مواظب
 اولکه حریف گلدی حاکمزاده سپری باشنا چدی سیمین عذارین
 شوقدان هرنجوردی عمودی زد ایلوب دیدی ایندی منیم نوبمدور
 پس عمودی ایله اونون قبه سپر نه وردی که خونخوار دیدی بس دنیانی
 اونون باشنا یخدیلار عمودی خونخوارین باشندان رد اولوب فیلمین
 کله سنه دگلدی خونخوار یره دوشدی شیرویه آتدان ینیب ینوب -
 گولشماقه مشغول اولدولار گاه شیرویه اونسی یخیردی بیر زمان او
 شترویه نی یره یخردی خلاصه آخشامه جن جنک ایلدیلر ولی هیچ بیرینه
 فتح نصیب اولمادی تا اینکه حاکم گلیب اولاری آرا لاشدیردی هره
 ئوز یرنه قایتدی منظر حاکم شیرویه نین قزیل نثار ایلدی پس شیرویه
 ئوز اصل و نسبین شرح ویردی بو طرفدن خونخوار قصره گیدوب
 دیدی من عالمده بیله بیر جوان گوروممشم پهلوانلقدابی مثل دورا گر
 بت مدد ایلسه اونسی حیلله ایله ئولدوره رم یوخسا زوردا اونا حریف
 دگلم :

حاکمزاده شیرویه نین خونخواری ئولدورماقی

گچه که اولدی حاکمزاده خلوتسه طرف روان اولوی چون
 حرمین قاپوسنا یتشدی گوردی حاکمزاده ماه جبین ایله اوتورب دیور

یو گون شیرویه بو دیو ایله چوخ کوشش ایلردی نه اولاردی بو گجه نازنین وجودنی گوره ایدیم سیمین عذار آغلیردی ماه جمین دیدی بو گجه یورو او بدور گردك استراحت ایلیه شیرویه قاپو نین دالسندان دیدی اگر اجازه ویرسن حاضریم حاکمزاده خوشحال اولوب قاپونی آچدی شیرویه وارد اولوب گوردی حاکمزاده غمگین دور علتین سوروشدی حاکمزاده دیدی بولمورم سنلن او حرامزاده نین ایشی نه اولاجاق شیرویه دیدی غصه ایلمه که صباح آللهین مددیلله او حرامزاده نین ایشین قورتارام صبحه جن عیشه مشغول دیلار تا اینکه جنک باشلانندی پس شیرویه ابوه گلدوب غرق آهن و فولاد اولدی میدانله گیدوب مبارز ایستدی بو طرفدن خونخوار میدانله گلوب مشغول جنک اولدولار القصه اوچ گون چنک ایلیدن سورا شیرویه بیر نعره چکوب خونخواری ایله یره وردی که سومو کاری سرمه کمین اولدی ایکی لشگردن آفرین سسی گویه قالخدی سرهنک اونی گورماقدان وحشته دوشدی خلاصه باز گشت طبلی چالینوب هره ئوز یرینه گندی چون نصف شب اولد شیرویه سیمین عذارین قصرنه طرف روانه اولدی .

سیمین عذارین باغدا شیرویه نین گتماقی و طغیان عیار ماه جبینی سرهنکین یاننا آپارماسی

شیرویه خوبنده یتشدی گوردی سیمین عذار آغلیر طاقت کثیر میوب وارد اولدی وئوزون حاکمزاده نین ایاقلارینا سالوب هوشدان گندی

چون هوشه گلدی سیمین عذاری باشی اوسته گوردی قالدخوب اونی
کنارنه آلدی ماه جبین شراب گتیروب ساقی اولدی القصه بیرنچه
ساعته جن عیش و نوش مشغولدولار تا اینکه رختخوابه گیدوب
یوخلادیلار .

بیر نفر عیار واریدی طغیان عیار آدیندا او گجه شامدان وارد اولدی
اوضاعدن مطلع اولوب سرهنگین یاننا گلدی سرهنگ دیدی ای طغیان
منی سیمین عذار عشقی بو گونه سالوب والا بولشگری نه ایچون بورا
کتیر بر دیم طغیان دیدی هئج غصه ایلمه که بو گجه سنین ایچون کتیررم
سرهنگ دیدی اگر بواشی گورسن ئولنه جن سه غلام اولارام بیر
ایکی نغریارلاردان گوتوروب هر بیر ی ایاقلارینا بیر آغاج باغلا دی
پس بیر ورد اوخویوب گویه قاخدیلار و بیر دقیقه نین عرضنده باغه
یتشدیلر چون طغیانین گوزی سیمین عذار دوشدی دیدی بوجوان که
عشق بازلیق ایدیر عشق اونی بو گونه سالوب نه لازم بونی سرهنگه آپارام
ماه جبینی سرهنگه یولیوب سیمین عذاری ئوزوم ایچون ساخلارام
پس ماه جبین و پروردی بیهوش ایللیوب عیارلره دیدی سیز بولاری
آپارون تا من سیمین عذاری کتیرم عیارلر ماه جبین و پزبزادی بیر گلیمه
بوکوب سرهنگین یاننا کتیر دیلر سرهنگ سوروشدی بولار کیمدور
دیدیلر که حاکمزاده نین خدمه سیدور سرهنگ چون گلیمی آچدی
حیرته قالوب دیدی بیر آدامینکه کنیزلری بو گویچکقلقد ا و گورئوزی
نه گویچکقلقدور چون ماه جبین و پریرزاد هوشه گلدیلر ئوزلرینی غریب
یرده گوردولر غمیگین اولدولار طغیان سیمین عذارین اوزوندن پر نیان
هندی نی گوتوروب اونی بیهوش ایلدی پس بیر گلیمه بوکوب ایستدی

که آپارسون شیرویه اویاندی طغیانین الندن دوتوب ایله فشارویردی
 که آلتین سومو کلری سندی حاکمزاده دیدی دوزون دی گوروم
 بوردا نه ایش گوروردون والا سنی ئولدوره رم طغیان سیمین عذارین
 جاننا آند ویردی که اونی ئولدورمسون شیرویه قبول ایلیوب طغیان
 دیدی من طغیان عیارم اوچ نفر عیارله گلمشدیم حاکمزاده نی آپارام
 کتیزلرین سرهنگه یولادیم ایندی استیردیم حاکمزاده نی آپارام که سن
 اویاندون شیرویه اونی آغا جا باغلیوب حاکمزاده نی هوشه کتردی
 دیدی اگر بیر آز سورا آیلایدیم سنی آپارموشدیلار حاکمزاده قضیه نی
 سوروشدی شیرویه کیفیتی دیدی حاکمزاده سوروشدی نیه بو عیاری
 ئولدورمدون شیرویه دیدی سنون جانوا آند ایچشم سیمین عذار دیدی
 منکه آند ایچمشم پس قلنجی آتوب اونی ایکی بولدی ولی ماه جبین
 وپریزادین طرفندن غمگین اولدولار بو طرفندن سرهنگ طغبانندن
 نگران قالوب بیر نفر عیاری دالسیجا یولادی اولمعاون ایت کمین اللرین
 یره قویوب باغا گلدی چون طغیانی ئولی گوردی ایستدی قاجسون
 شیرویه گوردی شمسیری کمرندن وروب ایکی بولدی ایکی نفر که
 اونان گلمشدیلر قاجه ب طغیان و اسیار عیارین ئولماقین خبر ویردیلر
 سرهنگک نا امید اولدی

سرهنگین یالاندان مسلمان اولماقی

سرهنگین وزیر کامل دیدی اگر منیم سوزومه باخسان بیر حیلله

ایلرم که هامی تحسین ایلسون سرهنک دیدی هر نه دیسون اونا عمل
ایلرم کامل دیدی منظرشاهه بیر نامه یازاسان که ایشهریار من لشگرایله
سنه غالب اولای بولمدم بولدم که سنون دینون برحق دورا بندی اجازه
ویر سنون الوی اوپماقه گلوب مسلمان اولوم ایلکه نامه نی یولادون
تمام امراء و وزیر لر یله شمشیرلری بویونوزدان آسوب منظر شاهین
خدمته گیدوب یالاندان مسلمان اولارسور سورا اولاری قوناق
چاغیروب بیهوش ایلروق اوندان سورا هر نه سویساق انجام ویرروق
سرهنک اونا آفرین دیوب دودم امر ویردی نامه نی یازوب چوخلی
تحفه ایله روانه ایلدیلمنظر حاکمه خبریتشدی که سرهنکین وزیر
تحفه ایله بارگاهه گلیر منظر حاکم دیدی الله آند اولسون بوخیله دور ،
چون کامل وزیر بارگاهه گلدی حاکمه تعظیم ایلیوب پیشکش لری یره
قویدی حاکمین گوزلری خیره اولدی کامل نامه نی چخاردوب حاکمه
ویردی چون نامه نین مضمونندان مطلع اولدی اولارا احترام ایلدی
وزیر بت لری بویونندان چخاردوب سندیردی و کلمه لاله الا الله
دیوب مسلمان اولدی سورا دیدی ای شهریار من اولدن مسلمان دیم و
بوفکرده ایدیم که سرهنکی نجی دایره اسلامه چکیم تا اینکه بوایش
قباقه گلدی فرصت تاپوب مسلمان اولماقه امر ایلدیم ایندی مسلمان
اولوب و گذشته دن پشیمان دور ایندی منی یولیوب که اجازه ویره سوز
او سیزون الوزی اوپماقه گلسون حاکم قبول ایلیوب کامل سرهنکین
یاننا گلدی و تمام ماجرائی شرح ویردی پس سرهنک وزیرلرن روانه
اولدی بو طرفدن منظر حاکم تمام امراء و وزیر لر یله پشوازه گیدب
اولاری عزیزلقنان بارگاهه آپاردیلار سرهنک عذر ایستیوب دیدی

الحمد لله که مسلمان اولدوم. دورت گه نه جن قه ناقدیلار بشمنجی گون
 سرهنك قالخوب دیدی خواهش ایلم اوی تشریف گتیرم-اقزنان
 منور ایاه سوزحاکم دیدی ایرلرین فرقی یو خدور سورائوزون
 شیرویه دوتوب سوروشدی سن نه دیورسن شیرویه دیدی گیدروق
 پس سرهنك ئوز خیمه گاهته گیدوب تدار که مشغول اولدی

حاکم منظر و شیرویه نین قوناق گتمه سی و شیرویه نین دستگیر اولماسی

اوبیرسی گون منظر حاکم و شیرویه و تمام امراء سرهنکین اردوسنه
 گتدیلر سرهنك وزیرلری ایله پشوازه گلیب اولاری عزیزلقمان اردویه
 آپاردیلار اوچ گون عیش و عشرته مشغول دیلار دوردمنجی گون سرهنك
 اشاره ایلیوب ساقی لر بیهوشایق دواسی شرابه قاتوب مجلسه گتیردیلر
 او گون منظر حاکم شراب ایچمده اوبیرسیلر بیرقدرا بچندن سورا
 بیهوش اولدولار منظر حاکم وضعیتی گوروب قاچدی سرهنك امر
 ویردی شیرویه نی بنده وردیلار درحال امر ویردی حاکم راده نی ئولد-
 ورسونار کامل وزبرمانع اولدی پس زندانه سالدی سورا منظر حاکمین
 لشکرده حمله آپاروب اولارین خیمه وخر گاهین غارت ایلدیلر منظر
 حاکمین قوشونی شکست یوب فرار ایلدیلر سرهنك امر ویردی منظر
 حاکمی آختارسونلار ولی اوندان اثراله گلمدی چون سحر اولدی
 شیرویه نی سرهنکین حضورنه گتیردیلر سرهنك دیدی گوردون نجه

ٻٽ ڪمڪ ايلدي سٺي دوتدوم حا ڪمزاده ديسدي اي پست فطرت سن
 مني ڪيشي ڪمين دوتماندن آخرده من خني ٿولدوررم سرهنڪ امروبردي
 اوني ٿولدورسونلرڪامل وزيرديدي اي شهر بار آگر ايسٽيرسن سيمين
 عذارين وصالنه يتشه سن بوني ٿولدورمه چون سيمين عذار بو جوانه
 چوخ علاقمنددور سرهنڪ امر ويردي اوني زندانه آپارديلار ٿوزي
 منظر حا ڪمين قصرنه گيدوب تخته اوتوردي هاميه خلعت ويروب يولا
 سالدي هامی ٿوز قابنده دبيردي اي خداوند بيروسيلاه ايله حا ڪمزادني
 بو ماعرفين اليندن خلاص ايله ، ايله كه سرهنڪ تمام ولاياتي نظمه
 سالدي خواجه سرالردن بيرين چاغیروب دیدي حرمه گيدوب سيمين
 عذاره دينه كه سرهنڪ ايسٽير حضوره گلشن چون خواجه سرا حرمه
 گلدی گوردی سيمين عذار آغلاماقه مشغولدي ماه جبینی چاغیروب
 قضيه ني دیدي ماه جبین باشنا وروب سيمين عذاره خبرويردي سيمين
 عذار بوني اشتماق همين هوشدان گتدي ماه جبین حا ڪمزاده نين اوزونه
 گلاب سپپ هوشه گتيردي دیدي ايندي شيرويه زندانده دور آتانداندا
 قاچوب آيري بير آداله يو خدور كه بيزي بو کافرین الندن قورتارسون
 مصلحت بودور كه سرهنکه ظاهرده محبت ايليه سن كه مبادا حا ڪمزاديه
 بير صدمه يتيره حا ڪمزاده دیدي درد بيردور ايڪي اولدي بو وقتده
 سرهنڪ نمودار اولدي خواجه سرالر اياقه قبالخوب سيمين عذارين
 رنگي آتدي ماه جبین اشاره ايلدي كه پشوازايله سيمين عذار اوزونه
 نقاب سالوب بيرايڪي قدم قباقه گتدي سرهنڪ حا ڪمزاده نين اياقلارينا
 دوشوب دیدي ٿوز عاشقوي توپراقدان گوتور حا ڪمزاده دیدي ايندي
 منيم آتام يو خدور قزداشيمده زندانده دور من عزا دوتموشام هر وقت

دلشاد اولسام او وقت مدعا اجرا اولار وقردشمی اینجتمه که جانیم اونا
 بسته دور واگر آیری بیر ارادهن اولسا ئوزومی ئولدوررم سرهنك
 دیدی من بولموردوم سنون قزدشندور گوزوم اوسته یرویررم پس قصزه
 قایدوب کامل وزیره دیدی معلوم اولان سیمین منه میلی وار ایندی گرک
 شامه گیداق یمنین باره سنده نه ایلیاق وزبردیدی بوردایا بیر نفر وار
 رایض آدلی که چوخ وفادار آدامدور اونى ئوز طرفندن بوردایا حاکم
 ایله سرهنك قبول ایلدی پس شهرین آداملارین چاغیروب دیدی رایض
 منیم طرفمدن حاکمدور هر کس بونون امرندن سرپیچ لیک ایلسه اعدام
 اولوناجاق پس ایگرمی مین لشگر یمنده قویدی سورا سیمین عذارین
 یاننا گلوب دیدی ای نازنین ایندی کجاویه سوار اول تا شامه گیداق
 حاکمزاده دیدی قردشیمده گتیر سرهنك قبول ایلدی پس شیرویه نه ی
 الی زنجیرلی دویه سوار ایایوب شامه روانه اولدولار منزل بمنزل
 گدیردیلر تا شام ولایتنه وارد اولدولار سرهنك امر ووردی خیمه و
 خر گاهی برپا ایدوب سیمین عذارى قزیل تخته اوتوتدیلار سرهنك
 حاکمزادنین چادرنه گایب دیدی یا منی ئوز وصلندن کامیاب ایله یا
 ئولدور حاکمزاده دیدی اجازه ویرشامه یتشوب حاکملار کیمن طوی
 ایداق سرهنك دیدی بزگون اوچ گوندی شامه یتشمشوک برین اوزونده
 بوردان یاخشی برتاپولماز سیمین عذار باشین اشاقی سالیب آغلاماقه
 بأشلادی سرهنك اوردان چخوب شکاره گتدی هیچکس جرئت ایلمدی
 اوننان گیده چون بیرقدر یول گتدی بیر آه و راست گلدی سرهنك
 آهونی تعقیب ایلدی او قدر گتدی که هوا قرانلقلاشدی سرهنك یولی
 ایتروب چولده سرگردان قالدی واما سیمین عذار چون سرهنکین

شکاره گتماقتدان آگهه اولدی ماه جبینی چاغیروب دیدی که استیرم
 شیرویه نی ملاقات ایلیهم دیدی اگر سرهنک باخبر اولسا شیرویه یه
 صدمه یتیره ر حاکمراده دیدی هیچ عیبی یو خدور چون سرهنک
 شیرویه نی منیم قرداشیم بولور پس خیمه دن خارج اولوب زندانه
 گتدیله شیرویه او وقت بیهوشدی ماه جبین اوزونه گلاب سپپ هوشه
 گتیدی شیرویه سیمین عذاری قو جاقلیوب بیر بیرینون اوپودولر تا
 سرهنکین گلماقین خبر ویردیله حاکمزاده حسرتن قالدوب شیرویه
 ایله وداع ایلدیلر، سرهنک امر ویردی اردو کوچ ایلیب شامه یتشدیلر
 سرهنک امر ویردی سیمین عذاری بیرباغه آپاروب باغین قصرنده یـر
 ویردیله آونون بیو گویچک قیزی واریدی اونسی نازنینین خدمتنه
 یولادی بیرایکی گوندن سورا سیمین عذاربن یاننا گلیب دیدی اجاره
 ویرطوی ایلیاق حاکمزا، دیدی بیرایکی گون صبرایله خلاصه سرهنک
 هروقت ایستدی طوی ایلسون حاکمزاده عذر گتیریدی

شیرویه نین حالندن اوغلی جهانگیرین باخبر اولماقی

بوندان قباق دیدوق که خجند وزیر ئوز قیزین شیرویه یه ویردی
 او زماندن دوقوز آی دوقوز گون دوقوز ساعت سورا گلچهره خجند
 وزیرین قیزی بیر اوغلان دوغدی که بیو کملوق آثاری اونون اوزونده
 نمایاندی آدین جهانگیر قویدولار چون بش یاشندا اولدی اونون
 ایچون بیر معلم گتیردیله تا اونسی تربیت ایلسون اما وقتیکه منظر حاکم

و سرهنك دعوا ایدیردیلر جهانگیر دوققوز یاشدا ایدی هر گون غلا-
 ملر ایله شکاره گدیردی و خجند ئوز آتاسی بولوردی بیر گون خجند
 وزیردن اجازه ایستدی بازاره گتسون خجند نقدر ایستدی قویماسون
 جهانگیر قبول ایلمدی عاقبت غلاملر ایله خارج اولوب شهری گزیردیلر
 بازارده هامی دیپردی که شیرویه به اوخشور خلق دوره سنه یغشب بیر
 نفر سوروشدی ای جوان سن کمین اوغلی سن دیدی منیم آتام خجند
 وزیردور دیدیلر خجند وزیرین بیر قیزدان سوای آیری اولادی بوخدور
 جهانگیر قشویسه دوشوب ایوه گلدی نه نه سنین یاننا گیدوب دیدی
 دوزون دی گوروم منیم آتام کیمدور دیدی سنین آنان خجند دور دیدی
 یالان دییرسن چون همیشه سن اونا آتا دییرسن و هیچکس ارنه آتا
 دیمز آخردد گلچهره ناچار اولرب کیفیتی بیان ایلدی جهانگیر چون
 آتاسنین زندانده اولماقدان باخبر اولدی او قد آغلادی که بیهوش اولدی
 چون هوشه گلدی دیدی ای بیم و وتلرنیه اینه جن منی باخبر ایلمم سوز
 الله آند اولسون نقدر آتامی بندوق خلاص ایلممشم راحت اوتومارام
 پس دیدی منه بیر آت و بیر دست سلاح تهیه ایلدون والا پیاده گیده رم
 گیدرم خجند دیدی شیرویه نین آتی اژدها خوارین نطفه سندن بیر آت
 وار که هیچکس یاننا گدنمیر اگر دوتا بولسن گیت اونی دت فورا
 طویلنه گیدوب آتی دوتوب اشیگه گتیردیلر آتی بهرلیوب سوار اولدی
 که امتحان ایلسون خجند دیدی رایض شامی ایگر می مین لشگرا یله
 سرهنگین طرفدن بوردا حاکمدور بیر حرامزاده دور که دنیاده تابی
 تاپولماز اگر سنون احوالاتندن باخبر اولسا سنه امان و برمز جهانگیر

گولوب دیدی من ایستیرم تک شامه گیدم سن میی رایضدن قورخو -
 دورسان من اگر بوننان شکست یسم هیچوقت شامه گیده بولمرم پس
 شهره گندی حلق اونون یانما گلیب دییردیله که بو حاکمزاده شیرویه
 نین اوغلیدور رایضه خبریتشدی که خجندین ایویندن بیر نفر مسلح
 جوان اشیکه چخوب خلق دییرله شیرویه نین اوغلیدور رایض مضطرب
 اولوب دیدی بوایش سادد دگل گیدون او جوانی گتیرون رایضین ما-
 مورلاری خجندین قاپوسنا گلیپ دیدیلر رایض بوجوانی ایستیر خجند
 دیدی متیم اوغلوم رایضین خدمتینه لایق دگل خلاصه هر قدر عذر
 گتیردی قبول ایلمدیلر جهانگیر غضبانون فوراً سلاح گیوب سوار
 اوندی خجند دیدی مواظپ اول رایض بولمسونکه شیرویه نین او-
 غلوسان جهانگیر قصره طرف روانه اولدی هامی دییردی رایض بونا
 امان دیرمز و بیر عده مسلح اولدی که اگر رایض ایسته سه جهانگیره
 صدمه یتیرسون مانع اولسونلار .

رایضین جهانگیر بن شیرویه نین النده ئولمه سی

چون جهانگیر عمارتین قاپوسنا یتشدی قراول دیدی پیاده اول
 جهانگیر دیدی بورا پیاده اولماق یری دگل بیر نفر ایستدی جهانگیری
 زور ایله پیاده ایلسون ایله تپیک باشندان وردی که کله سی متلاشی اولدی
 داهی هیچکس جرئت ایلمدی بیرسوز دیسون جهانگیر سواره قصره
 وارد اولوب رایضین قبادده پیاده اولدی رایض سوروشدی که سن

کیمن اوغلیسان جهانگیر دیدی منیم آتامین آدی شیرویه‌دی که قلیجون
 گوجونه دنیانی مسخر ایلدی و نامرد سرهنک حيله ايله اوننی زندانه
 سالوب رایض غضبه گلوب شمشیری چکوب جهانگیره حمله ایلدی
 جهانگیر شمشیری الندا لوب ايله باشنا وردی که ایکی بولوندی
 رایضین غلامری جهانگیری محاصره ایدیلر جهانگیر اولارا حمله
 ایلوب بیر عده سین ئولدوردی ئوزون آتیه یتروب سوار اولدی پس
 شام قوشوننا حمله ایلدی یمن اهلی جون بو حالی گوردولر مسلح
 اولوب جهانگیره کمک گلدیلر ارگون شام قوشوننان چوخلی آدم
 ئولدوروب قلانی مقاومت ایلدیوب قاچدیلار جهانگیر حاکمرا ده لبق
 تختنه اوتوردی خجند وزیر تمام بزرگان شهر گلوب تبریک دیدیلر و
 جشن دوندولار جهانگیر دیدی جشن وقتی اوندادر که آتامی بنددهن
 آزاد ایلیم پس خجندی حاکم ایدوب شامه روانه اولدی خجند دیدی
 صبر ايله قوشون تهیه ایدیم جهانگیر دیدی منه قوشون لازم دگل منیم
 کمکیم آله‌دور پس مسلح اولوب شامه روانه اولدی یکه و تنهایول
 گدیردی بیر گون بیرشکار صید ایدوب کباب ایلدی یماقه مشغولیدی
 گوردی بیر سوار نمودار اولدی حاکمزاده اوننی کباب یماقه دعوت
 ایلدی سوار دیدی مندن ال گونور که سنده منیم اودوما یانارمان
 جهانگیر علتین سوروشدی دیدی منیم آدیم ثابتدور و بورانین اوچ
 آغاجلنی بدویه شهرینده ایویم واردور و بوشهرین حاکمی ضحاکین
 بیر اوغلی وارپدور بهادر آدیندا هریرده بیر گویچک آرواد اولسا گجه
 اونون یاننه گیدوب ارین اشیکه سالار دونن منیم ایویمه گلیب ایستدی
 منی اشیکه سالسون من مقاومت ایلدیم اونا پاك منه حمله ایلدی من

اونی ئولدوروب باشین ده ده سنه یولادیم ایندی اوز بیابانه یویمشام
جهانگیر دیدی هر کس سندن اوتری گلسه جوابین من ویرم ثابت
دیدى بیهوده سوز دیمه من حاکمین اوغلون ئولدورمشم اگر منی
گورسه لر قطعه قطعه ایدلر جهانگیر دیدی غصه یمه اگر من ئوزومدن
خاطر جمع اولماسام بوسوزی دیمرم پس سوار اولوب یولا دوشدولر
بیر قدر گتمشدیلر بیر عده سوار نمایان اولدی ثابت مضطرب اولدی
حاکمزاده دیدی هیچ قورخما که بولارین جوابین من ویرم سوارلار
یاخنلاشوب بیر نفر ثابتین آتینون جلوندان یسپشوب دیدی بیزیم
المیزدن هارا گیده جاقسان جهانگیر دیدی ارندان ال چکون دیدیلر
بوشاهین اوغلونین قانلی سیدور حاکمزاده دیدی اگر ال چکمسوز
هاموزی ئولدوررم سوارلار حاکمزاده حمله ایدیلر جهانگیر قلنجی
جکوب بیر دقیقه ده ایگر می بش نفرین جهنمه واصل ایلدی قالانی
قاچوب ضحاکه خبر ویردیلر ضحاکین بیر پهلوانی واریدی که ایکی-
مین سوار ایله برابریدی حاکم اونی یولادی حاکمزاده اونی بر عده
سوار ایله ئولدوروب کسری قاچدیلر حاکم بوخبری اشیدوب متحیر
اولدی وریری چاغیروب دیدی نه چاره ایلیاق وزیر دیدی قوی شهره
وارد اولسون حاکم قبول ایلدی ثابت ایله شهره وارد اولوب ثابتین
ایوینه گتدیلر او بیرسی گون ایستدی شهرین میداننه گتسون ثابت دیدی
شهره گتساق فتنه چخار حاکمزاده دیدی من عیش و نوشه گلیمشم
من گلیمشم بورانین اهالی سین مسلمان ایلیم پس دولانا دولانا گیدوب
شهرین میداننه یتشدی خلق میداننه یغشیب اونا تماشا ایلیردیلر حاکم
مامورلاری خبر آپاردیلر

جهانگیر بن شیر و یه نین ضحاکیی قصر نه گتماقی وضحاکین مسلمان اولماقی

ضحاکین بیروزی واریدی سعید آدندا سعید بیر پساك طینت و
دینی اسلامدور ضحاک اونی یولادی که بلکه جهانگیری قصره گتیرسون
سعید ملازملریله میدانه گلب بیر جوان گوردی که حسنده یوسف و
شجاعته رستم کمیندور سعد سلام ویروب دیدی من شاهین وزیریم
حاکم منی یولادی سنی قصره دعوت ایلیم جهانگیر قبول ایلوب بار
گاه گندیار حاکم دیدی ایجوان نیه قاتلدن حمایت ایلین جهانگیر
دیدى ای پادشاه هر نه دیسن چقدور ولی حاکم گردك رعیت پروراولا
نه که اوغلی گجه ار شمشیر باغلیوب خلقین ایوینه گدوب نام-وسنه
تجاوز ایلیم حاکم جهانگیره آفرین دیوب ثابتین گناهدان گچدی پس
طعام گتیردیلمر حاکم حاکمزاده نی طاممه دعوت ایلدی جهانگیر دیدی
من سیزنن طعاء یمرم چون سیز اوتی الله بولوسوز در ص-ورتیکه الله
اوتی بندیه وسیله یارادوب خلاصه اوقدر دیدی که حاکم ایمان گتیروب
دیدى ایجوان هر صورتده منه راهنما اولدون پس ضحاک و تمام شهر
اهلی مسلمان اولدولار تچه گوندن سورا حاکمزاده اجازه ایستدی که
شامه گتسون ضحاک دیدى صبرایله لشکر تهیه ایدیم حاکمزاده دیدى
لشکر لازم دگل گره ك تك گیدم پس ثابتی ضحاکه نایب ایدوب روانه

اولدی بیرمدت یول گیدندن سورا بیرشهره یتشدی دروازه بانین آدی
 مختا وئوزی مسلمانندی چون حاکمزاده نی گوردی اونون جمالندن
 تعجب ایدوب سلام ویردی حاکمزاده جواب ووروب سوروشدی بورا
 نه شهریدور و حاکمی کیمدور مختار دیدی بورا گلبار شهریدور و
 حاکمی حاکم شجاع دور بورانین تمام اهالی سی بت پرستدیلر فقط
 من مسلمانم جهانگیر دیدی بیرنچه گون بو شهرده قیلام مختار دیدی
 منیم منزله تشریف کتیر سورا حاکمزاده نی ئوز آیوینه آپاروب خدمته
 مشغول اولدی، جهانگیر شهرین وضعیتین خبر آلمدی مختار دیدی
 شهرین عجایب لریندن بیری بودور که حاکمن بیر قیزی وار غنچه آنددا
 نچه یول حاکمزاده لردن خواستگار لقا گلیبلر وای حاکم شجاع
 ویرمیوب قطران آدلی بیر دیو چیندن غنچه دن اوتری گلیب دیوب که
 یا قیزی و برون یا شهری زیر و زبر ایده جاقام حاکم شجاع لشگر چکدی
 وای شکست یوب ناچار قطرانین سوزون قبول ایدوب بو شرطنن که
 غنچه نین خواستگار لارین رفع ایلسون دیو قبول ایدوب حاکم ام-ر
 ویردی جار چکدیلر که هر کس بو دیوی ئولدور سه قیزیم غنچه نی اوبا
 ویره جاقام ایندی هر گون دیو میدانه گلیب قیزیم عاشقاری ایله جنک
 ایدیر و بو گونه جن دوقوز نفر ئولدروب .

جهانگیر دلاورین قطران دیوی ئولدورماقی

چرن صبح اولدی شهره غلغله دوشدی جهانگیر سوروشدی نه

وارمختار دیدی دیو میدانۀ گلیر سلاح گیوب میدانۀ طرف روانه
اولدی چون میدانۀ یتشدی گوردی چوخلی آدم یغشوب بیر گوشه ده
دوردی غنچه ده غرفه ده اوتوروب تماشا ایلیردی ناگاه گوزی جهانگیره
دوشدی ئوزوندن بیخود اولوب آز قالدی یره یخلسون بو حینده دیو
میدانۀ گلیب نعره چکدی کمیدور که ئوزون فدای عشق ایلسون قیزین
عاشقاریندن بیر جوان میدانۀ گندی بیر قدر مجادله دن سورا دیو اونسی
یره وروب قارنین جیردی ایلکه اونون قانین ایچدی دوباره نعره چکیب
مبارز ایستدی جهانگیر حاکمین یاننا دلیب سلام ویردی حاکمن چون
گوزی جهانگیره دوشدی اونون صولتندن تعجته قالدی و ئوزاوره -
گنده نسبت اونا محبت ایلای پس اونون الین دوتوب ئوز یانندا
اوتوتدی دیدی ایجوان اوره گمدن گلمیر سنی بو عفریتین قباقرنه یولیم
حاکمزاده دیدی ایشهریار منه اجازه ویر که سنون اقبالوندن بو دیوی
ئولدوروم حاکم اجازه ووروب جهانگیر میدانۀ گندی دیدی ایحرامزاده
سنی ئولدورم دیو دیدی گل کسه یاخشی گلمسن پس حمله ایلدی
جهانگیر اللهم یاد ایلوب او عفرینی یره ایل و ردی که میدان لرزیه
گلای پس خنچری چکوب اونسی ئولدوردی خلق اونون یاننا یغشیب
آفرین سسی گویه قاخدی حاکم تختدن ینوب حاکمزاده نین اوزوندن
اوپدی پس قصره آپاروب امر و بردی عیش مجلسی قوردولار غنچه
چوخ خوش حالدی و درعین حال حاکمزاده نین عشقدن بی تاب اولمو -
شدی جهانگیر اوچ گون قصرده قالوب دوردمنجی گون دیدی من
بوندان چوخ : لانمارام گر هك شامه گیدوب آتام که سرهنگین زنداننده

دور نجات ویرم حاکم شجاع دیدی من عهد ایلشم که هر کس بو
 دیوی ئولدورسه قیزی می اونا ویرم ایندی صبر ایله تا من ئوز عهدیمه وفا
 ایدوب سورا لشکرایاه گیت دیدی هر نه سیز بویور ساز صحیح دورولی
 من آتامی نجات ویرم مشم آبیری ایش گورنرم در ثانی سیز یله منیم
 وصلتیم صلاح دگل بونا گوره که من مسلمانم ولی سیر آتش پرست
 سوز حاکم دیدی وقتی که سن الله اکبر دیوب دیوی یره وردون بولدوم
 که سن مسلمانسن واسلام دینی برحق دور ایندی بیزد مسلمان اولوروق
 پس صدق ایله مسلمان اولدولار او گجه حاکم حرمه گندی بیر نفر
 خواجه سرا غنچه نین یاننا گیدوب دیدی ای ملکه بوجوان که دیوی
 ئولدوردی حاکم هر قدر ایلیر که دامادی اولسون قبول ایلیمیر بهانه
 ایدیردی که سیز کافر سوز ایندیکه مسلمان اولمسوز گنه قبول ایلیمیر گویا
 صباح استیر شامه گتسون

غنچه نین جهانگیرین یاننا گلماقی

غنچه آغلیوب دیدی هر نجور اولسا گرهك بو گجه ئوزومی اونا
 نشان ووروب گتماقدان منصرف ایلیم یوخسا صباح گیدوب من آغلیه
 آغلیه قالارام چون نصف شب اولدی ئوزن بزیوب سورا کنیزی
 شهلا نین یاننا گندی پس اونی ئوز اراده سندن آگه ایلدی شهلا یاخشی
 ساز چالاردی پس صراحی و سازی گوتوروب حاکم زاده نین یاننا گلدیلر
 گوردولر یوخلیوب غنچه ایستدی اوزوندن اېسون حاکم زاده گوزون

آچوب باشی اوسته بیر قیر گوردی اونون جمالندن حیرتده قالدی
 نا گاه غنچه نین گوزونون یاشی جهانگیرین اوزونه دوشدی جهانگیر
 غنچه نین الدن او پدی غنچه اوتاندیقندآن قزاروب باشین اشاقی
 سالدی جهانگیر گوردی بیر آیری قیز دالیدا دوروب سوروشدی سیز
 کیمسوز که بو گجه منه لطف ایلمسوز شهلا دیدی بو غنچه شاه شجاعین
 قیزی ومن بونون کنیزیم آتاسی بونی سنه نامزد ایدیب چون اشیدوب
 سیز صباچ گدیسوز اونا گوره گلیب جهانگیر خوشحال اولدی شهلا
 شهلا شراب جاملرین گردش کتیردی ایلکه کاملا مست اولدولار غنچه
 دیدی اشمشم گتمانی خیالون وار اگر گیدوب منی بسوردا قویسان
 ئوزومی هلاک ایدرم جهانگیر دیدی نقدر سنی گورممشدیم احتمال
 واریدی گیدم ولی یندی که سنی گوردوم تا سنی آپارماسام بسوردا
 گتمرم خلاصه سحر وقتی وداع ایدوب ئوز یرینه گون چخاندان سورا
 بار گاهه گیدوب حاکم شجاع دیدی الحمدلله که سنون مدعان عمل
 اولدی ایندی اجزه ویرطوی ایداق حاکمزاده دیدی من عهد ایلمشم
 تا آتامی خلاص ایتممشم آرام اولمیا ایندی بیر جور اولار که عقد
 اوخونوب قیزی آپازام ایلکه آتامی خلاص ایلدیم اوندان سورا بورا
 گلیب طوی ایداق حاکم قبول امرویردی جهانگیر ایله غنچه نین
 عقدین اوخودولار پس گسته می که معروف دلاوریدی اولارا قوشوب
 روانه ایلدیلر نچه گون یول گیدندن سررا شامین بیر منزلقا یتشدیلر
 که اوردا چوخلی شیر واریدی اوردا ینوب استراحت مشغول اولدیلار
 جهانگیر یوخیه گتمشدی نا گاه بیر نچه شیر حمله ایدوب گسته مین آتین

بودادیلار گستههم شمشیری گوتوروب شیرلرین بیر عده سین ئولدوردی
 ناگاه بیرى غافل گیر ایدوب گستههمی یارالادی بووقته ده جهانگیر آیلوب
 شیرلرین باقى سین نابود ایلدی پس گستههمین یارلارین باغایوب و
 ئوزترکنه سوار ایدوب یولا دوشدولر جهانگیر دیدی ایدلاور بو طرفده
 شهر وار گستههم دیدی بلی بو یاخنلقدا بیر شهر وار که اونا سرهنک آباد
 دیرلر بیر قدر گیدندن سؤرا شهره یتشدیلر پس بیر ابوده دوشوب
 گستههمی اولارا تاپشیردیلار تا معالجه ایلسونلر

جهانگیرین شکارگاهده سرهنگین قوشونونا یتشماقی

چون جهانگیر گستههمی سرهنک آبادده قویدی ئوزی غنچه ايله
 شامه طرف روانه اولدی بیرمقدار یول گیدندن سؤرا بیریره یتشدیلر
 که چوخلی لشکر خیمه ورمشدی سوروشدی بونه لشکریدور دیدیلر
 سرهنگین قوشونیدور که شکاره گیدوب دیدی منه بیریر ویرون که
 یانمدا آرواد وار دیدیلر سرهنگین غلاملری هریری دوتوبلا داهی
 بیریر یوخدور جه نگر غنچه دیدی ای نازنین ایش مشکل اولدی
 پس اوردان گیدوب بیرچایین کنارینده دوشدوار غنچه دیدی بورد
 هیچکس یوخدور یاخشی بودور که سویونوب سودا چیماق جهانگیر
 قبول ایدوب هر ایکسی سوا دوشدولر از قضا بیر نفرین آتی اولکوب
 اورا گلدی آتین صاحبی ئوز آتندان اوتری اوطرفه گلدی چون اورا
 یتشدی جهانگیر قالخوب بیرایکی سیلی ايله وردی که گوزلریندن

اوت قالخدی او کیشی قاچدی هر کس علتین سوروشوردی جوابنده
 دیردی او طرفه گتمیون که سیای وار بو سوز سرهنګین قولاقنه یتشدی
 سرهنګ او کیشی نی چاغیروب قضیه نی سوروشدی او کیفیتنی شرح
 ویردی سرهنګ شمسطاری چاغیروب دیدی گیت او آدمی بورا گتیر
 پس شمسطار جهانگیرین یاننا گلیب دیدی سرهنګ منی سیزدن اوتری
 بولیوب جهانگیر دیدی منیم آروادیم وار ایلیه بولمرم بولمرم اونسی
 تک قویوب خدمته یتشم گـردک منزل تهیه ایدوب سوزا سرهنګین
 خدمتنه گله م شمسطار گلیب سرهنګه کیفیتنی دیدی سرهنګ امر ویردی
 بیر منزل بوشاندیلار پس شمسطار جهانگیرین یاننا گایب دیدی منزل
 حاضر دور جهانگیر غنچه نی منزله آپاروب روانه اولدی غنچه دیدی
 منی کیمه تاپشیرپسان دیدی اللهه تاپشردیم هیچکسین جرئتی یونخدور
 سنه طرف باخسون اونون اوزون اوپوپ روانه اولدی چون قصره
 وارد اولدی سرهنګ گوردی بیر جوان دور که شجاعت وحسنده بی مثل-
 دور سرهنګ جهانگیره چوخ احترام ایدوب ئوز یانندا اوتوتدی
 سرهنګ کامل وزیرین قولاقنه دیدی بو جوان شیرویه یه اوخشور کامل
 وزیر دیدی صحیح دور بو جوان با شیرویه نین اوغلیدور یا قردشی القصه
 مجاس قورولوب شراب ایچماقه مشغول اولدولار ایلکه هامی مست
 اولدی جهانگیر سرهنګدن سوروشدی نچه گوندی بورا تشریف گتیر-
 مسوز دیدی بیر آیدی گلمشم رفع غصه اولسون جهانگیر دیدی ای
 شهریار سیزین غصه ز ندور سرهنګ بیر آه چکوب دیدی منظر حاکمن
 قیزینون عشقی منی خانه خراب ایدوب اوندان سورا که یمن لشکر نه
 ویروب منظر حاکمی قاچاق سالدیم و شیرویه کمین دلاوری تدبیر ایله

دوتوب بنده ویردیم ویمنی تسخیر ایلدیم سیمین عذار ایلله شیرویه نی
 بورا گتیردیم که طوی ایللیق او عذر گتیریر ایندی ایکی ایلدی بوردا یام
 هله که طوی باش دوتمیوب هر قدر فکر ایلیرم شیرویه نی ئولدورم ایلله
 بولمورم ایندی سیمین عذار قرخ گون مهلت آلوب اونار گوره کلمشم
 ئوزومی شکار ایلله مشغول ایدم و اون گون مهلتدن قالیر بو دفعه گوراق
 گوراق نه عذر گتیره جاق ایلکه سرهنک ئوز شرح حالین دیدی سور-
 وشدی که سن هاردان گلیر سن جهانگیر دیدی ای شهریار من گلبار
 امیرزاده لریندیم حاکم شجاع آتما غضب ایلدی استیردی اونی ئولدوره
 من قور خودان قاچدیم و بلخ سمتنه گتدیم اوردا بیر یوک آدامین قیزینا
 عاشق اولدوم چوخ زحمت لر تحمل ایلدیم تا اونی اله گتیردیم سورا
 اونی گوتوروب بورا گلدیم تا گوراق نه اولار سرهنک دیدی یاخشی
 ایش گوردون بیزی مشرف ایلدین هیچ غصه ایلمه که من شام ولایتلریندن
 بیرین سنه ویرم جهانگیر سرهنکه تعظیم ایدوب اونی دعاً ایلدی
 چرن سرهنک قیز آدی ایشندی هوسه دوشدی ئوز قابنده دیدی یاخشی
 بودور که اوقیزی بوندان آلیب عشقبازلیق ایلیم بلکه ستمین عذار
 گنجیک ایدوب رام اولار پس بیر خواجه چاغیروب دیدی گیت بو
 جوانین معشوقه سین گتیرو گور جمالده سیمین عذاره نسبت نجه دور
 خواجه جهانگیرین منزله گیدوب قاپونی دو گدی غنچه دیدی بس
 جهانگیر دور قاپونی آچدی چون خواجه نی گوردی قاپونی باغلادی
 خواجه دیدی قاپونی آچ من خواجه منی سرهنک سیزین خدمتوز
 بودی غنچه دیدی منه خواجه لازم دگل خواجه سرهنکین یاننا گلیب

دیدى اى شهریار عجب ناز نیندور هر قدر دیدیم من خواجیه منى سرهنك
یولیوب دیدى منه خواجه لازم دگل

سرهنکین غنچهنى گورماقى و اونا عاشق اولماقى

سرهنك دیدى بیرایش گور که اونى من گوروم دیدى بوجوانى
بو گجه بۇردا ساخلا گجه گیدوب قاپونین دالندن تماشا ایله سن ، بیر
ساعت سورا حاکمزاده قالخدی سرهنك دیدى اى اوغول گجهنى
بوردا قال او بیرسوز دیمیوب اوتوردی سرهنك امیر ویردی شراب
گتیردی لر آیلکه هامی مست اولدی سرهنك بهانه ایله مجلسدن چخدی
او خواجه ایله بیر شمع یان دیروب غنچه نین یاننا گل دیلر چون سرهنك
غنچهنى گوردی فریاد چکوب بیهوش اولدی خواجه سرهنکین کوره
کلرین اوغوب هوشه گتیردی خواجه دیدى دور گیداق سرهنك دیدى
گیدنرم خواجه دیدى بوردا قالماقین بیر فایده سی یو خدور او جواندن
ایسته بلکه بدون دردسر ویردی خلاصه سرهنك مجلسه گلوب اوتوردی
بیر آزدان سورا سرهنك دیدى اى جوان بولورم که ج-ؤانمردسن
حاکمزاده دیدى اگر الیمدن بیرایش گل سه مضایقه ایلمرم سرهنك دیدى
بوندان قباق که من سیمین عذاره عاشقم ایستیرم اونسی رام ایلیرم
خواهش ایلیرم بوقیزی نچه گون منه ویره سوز که ظاهرده او ننان
صحبت ایلیهم عوضنده ئوز قیزی می سنه ویررم جهانگیر دیدى اوسنون
کنیزیندور سرهنك اونا آفرین دییوب ئهزتاجین اونون باشنا قوییدی

سرهنك امرويدى غنچهنى گتيرسونلار حاكمزاده ديدى اجازه وير
 گيدوب اونان وداع ايليزم چون منيم منتظر يمدور پس جهانگير
 غنچه نين ياننا گايب ديدى ايعزيز بيزايش گورمشم گرهك منيم سوزومدن
 چخمييه سن غنچه مضطرب اولوب ديدى مگرنه ايش ئوز ويروب
 ديدى مصلحت ايچون بيرنچه گون سنى سرهنكه ويرمشم بير آزاونون
 حرمده قالوب ئوزوندن مواظب اول غنچه بولموردى جهانگير شيرو-
 يه نين اوغليدور القصة حاكمزاده تاپشirdى كه مواظب اول سرهنك
 سنه ال تاپماسون تا اينكه آتام نجات ويروب سنى خلاص ايليهم غنچه
 آغلاماقه باشلادى حاكمزاده ديدى دلگير اواما سنون حرمده قالماقن
 باعث اولار كه آتام نجات تاپسون والا هيچ كس ايليه بولمز سنى مندن
 آيرى سالسون غنچه ديدى منده طاقت يوخدى سرهنكى گورم چون
 سن ديورسن راضيم ولى بير جور ايله كه چوخ حرمده قالميوم
 حاكمزاده ئرزون اوپوب ديدى اللهين كمكيله تيزلقنان سنى نجات
 ويرم بووقتده غلامار محمل گتيروب غنچهنى آپارديلار حاكمزاده او
 گجه آرام تاپمردى تا اينكه سرهنك امرويدى كوچ ايدوب شامه
 گتديلار جهانگير سرهنك ايله قصره گلدى سيمين عذاره خبر وريدلر كه
 بير جوان معشوقه سين سرهنكه ويروب سيمين عذار بير گوشه ده غمگين
 اوتورموشدى كه غنچه وارد اولدى گوردولر بير نازنيندور كه اكر
 عابد گورسه عبادتدن ال چكـر سيمين عذار خوش گلدين ديوب
 اوتورديلار

اوبيرسى گون سرهنك حاكمزاده ايله شكاره گتدى ازقضا بير آهو
 گوردولار جهانگير كمند آتوب آهونى دوتدى سرهنك چون بوزير كلقي

گوردی اوره گنه واهمه دوشوب وزیره دیدی بيله نظريمه گلير كه بو
چوان يمن مبارزلربنين انتقامنه گلوب يالان دييور كه گلباز اميرزاده
سيدور وزير دیدی دوز دييورسن گرك بوندان غافل اولمياق القصه
شهره گلدیلر آتین بهرین گوتوروب چوله اوتوردی سرهنك دیدی نیه
طویلیه باغلاميسان حاکمزاده دیدی من همیشه بو آتی چوله اوتوررم
اژدهاده جرئت یوخدور اونى دوتسون سرهنگین وحشتی آرندى قصره
گلدی ایلکه دماغی چاقلاشدى قصردن چخوب امرویردی بیر ماهرو
جهانگیرین یاننا گتسون وئوزی حرمة گتدی ناز کبدن و غنچه لب و
سیمین عذار باغدا اوتوروب صحبتیه مشغولیدی سرهنك گوردی نازنین
لر دسته گل کمین بیریره یغیشبلار چون اولار سرهنگی گوردولر
هره سی بیرطرفه گتدیلر سرهنك غنچه نین یاننا گلدی غنچه چکیارب
سیمین عذارین یاننا اوتوردی سرهنك سیمین عذاره دیدی ئوزوون
بدخولقین بس دگلدی بونادا او گتدون ناز کبدن دیدی آتاجان بونه
سوز دور دیورسن بوقیزایکی گوندور بورا گلیب وسنی تانمیر بوهنوز
او پوشماق باشامیر دونن من بوندان جویا اولدوم کاملا سنه میلی وار
بیرایکی گون صبرایله تا آداب معاشرتیه آشنا اولسون سرهنك قبول
ایدوب باغدان خارج اولدی

جهانگیرین زندانه گتماقی وشام لشکرله محاربه سی

اما جهانگیر صبرایلدی تا نصف شب اولدی پس شمشیر باغلیوب

زندانه طرف روانه اولدى چون زندانه يتشدى گوردى بيرعه غلام
 كشيک ويرلر سوروشدى سيز كيمسوز وبورا نه ايچون دورمسوز
 چون اولار جهانگيري تانيديلار احترام ايليوب ديديلر شيرويه بوردا
 زندانيدور وبيز كشيکچيوق جهانگير آز درو ديواره باخوب تمام راه
 و رخنه لرین اور گشدى سورا روانه اولدى چون زندانين دالسنه
 يتشدى گوردى ديوار بيرقدر بخیلوب اللهه توکل ايدوب کمند آتدى
 ايستدى يوخارى قالخسون غلامار حمله ايديلر حاکمزاده شمشيري
 چکوب اولارا حمله ايلدى شيرتک اولارا حمله ايدوب چوخلى عده
 ئولدوردى در حال سرهنگه خبرويديلر سرهنگ ئوزون زندانه يتيروب
 ديدى قويميون او حرامراده جان قورتارسون حاکمزاده چون سرهنگين
 سسين اشتدى ايستدى ئوزون اونا يتروسن ولى لشگرين چوخلوقتدان
 ممکن اولمادى ايکى مين لشگراونى محاصره اتمشدى جهانگير شير
 کمين هر طرفه حمله ايديردى وئولولرى بيربيري اوسته ساردى
 عاقبت دورت بردن بارالاندى چون گوردى عهده سندن گلديه جاق
 لشگري بيرطرفه ويروب آرادان چىخدى سوارلازاونى تعقيب ايدوب
 دوتا بولمديلر قايدوب سرهنگه ديديلر اوني دوتانمادوق اما چوخ
 زخمدار اولموشدى چتين برديله سرهنگ ديدى اكر ئولسيدى خاطر
 جمع اولاردوق پس امرويردى شهرين ميدانندن دار آغاجى برپا
 ايدوب شيرويه نى ال قولى باغلى اورا گتديلر شيرويه چون ئوزون دار
 آغاجين ديمده گوردى غميگين اولدى دوريه نظر ايتدى بير نفر ئوزونه
 کمک گورمى اللهه توکل ايدوب دنبادن ال اوزدى تمام شهر اهلى

اوندان اوتری آغلادیلار سرهنک امر ویردی صباح شیرویه‌نی تیرباران
ایلسونلر

شیرویه‌نین کیوان تاجرین وسیله سیله نجات تاپماقی

اما شام ولایتنده بیر تاجر واردی اونا کیوان دیردیلر اونسون
حاکمزاده نین غریبلیقنا اوره گئی یانیب ئوز ملازملرینه دیدی گجه
بوجوانی نجات ویراق بو شرطنن که هامی جان و مالیندن صرفه نظر
ایلسون وهرنه دیرم قولاق ویرسون هره ئوز آتین گوتوروب بیرره
دورسون تا من اوبی گتیرم اگرموفق اولساق شاهلقا یتشرون هه امسی
دیدیلر ییز حاضر وق جانمزی بوجوانین یولوندا فدا ایلایق پس ئوزلرین
قاچماقه حاضرلدیلر چون گجه اولدی میدانده گیدوب گوردولر تمام
پاسبانلار یاتوب پس شیرویه‌نی گوتوروب شهردن خارج اولدولار،
سحره جن آت چاپدیلار تا بیر قزییه یتشدیلر پس شیرویه‌نی بیر ایسی
یرده یاتمدیلار بیر ساعتدن سورا هوشه گلیب ئوزون بیر عده ناشناس
آدامین یانندا گوردی سواستدی اونا ایسی سو ویردیلر بدنن دامارلاری
قیزیشوب ایاقه درزدی سوروشدی سیز کیمسوز کیوان شیرویه‌نین
الین اوب ماجرانی دیدی شیرویه دیدی آتا جان سن منی نجات ویردون
اگر مال و دولتین الیندن گیدوب غصه ایلمه عوضنده یوز برابر شام
ولایتندن سنه ویریم کیوان دیدی سنون ساغلقون بیزه دنیا مالندن
قباق دور پس حاکمزاده‌نی حماه آپاردیلار اوندان سورا بیر سبز و

خرم یرده بیر آی قالدیلار تا حاکمزاده نین کسالتی برطرف اولدی
 بیر گون خبر گتدیلهر که بو طرفده بیر لشگر خیمه و ییروب دییرلر که
 سرهنک شامین جنگنه گدیر شیرویه فکره گتدی دیدی بوسپاهه طرف
 گتماق سلاحدور پس سوار اولوب روانه اولدی چون اورا یتشدی
 گوردی اوتوزمین لشگر وار سوروشدی بولشگر کمیندور دیدیلر
 منظر حاکم یمنی نیندور که سرهنکین دعواسنه گدیر شیرویه حیرتده
 قالدی چون منظر حاکمی گوردی آتدان ینوب بیر بیرینون قوجاقلادیلار
 وشوقدان آغلادیلر منظر حاکم دیدی نجور سرهنکین الندن خلاص
 اولدون شیرویه تمام احوالاتی شرح و یروب دیدی سیز ئوز شرح
 حالوزی دییون حاکم دیدی من او گجه که سرهنکین الیندن قاچدییم
 نچه نفر کار دیده کیشی لردن منیله واریدی هریردن لشگر جمع ایلدییم
 و اوتوزمین تومن سنی قویودان چخاردان تاجردن بوج آلدیم
 گلدیم تاسنی نجات و یرم الحمدلله که سن خلاص اولموسان و سنون
 اژدها خوار آتین بیزیم اردودادور ایندی گر هک سیمین عذاری نجات
 و یراق دیدی ایندی دریای لشگردن قورخوم یوخدور پس شیرویه
 نامدار مسلح اولوب منظر حاکم و یمن دلاورلری ایله شام توپراقه
 وارد اولوب بیر سبز و خرم یرده خیمه وردیلار بو طرفدن چون سرهنک
 سیمین عذارین وصلهده محروم اولدی ایستدی غنچه نی آلسون اودا
 ئوزون ناخوشلقا وردی سرهنک امر و یردی طبیبلر معالجه ایلسونلر

* * * *

شېرویه نین چوخله لشگريله سرهنگین دعواسنه گتماقی

چون سرهنگه خبریتشدی که شېرویه چوخلی لشگريله دعوايه
گلېردنیا نظرنده تیره وتار اولوب لرزه اندامنه دوشدی رعدشامی نی
بش مین لشگريله شېرویه دن جلو گیرلیق ایلماق ایچون سرهنگ آباده
یولادی وتمام ولایتلره نامه یازدی که بیزه بیرقوی دشمن واز ویروب
بونامه یتشماق همین حاضر اولون بووقته یمندن قاچان سوارلریتشیب
دیدیلر بیزشام اهلیوق که یمنده ایدوق شېرویه نین اوغلی جهانگیر تمام
سپاهی ئولدیروب بیزه زارمشقت ایله ئوزوموزی بورا یتیردوق سرهنگ
مضطرب اولدی

چون شېرویه رعدشامینون گلماقدان باخبر اولدی سلاح گیوب
دیدى گرهك سرهنگ آبادی آلام بونی دیوب حمله ایلدى رعدین تمام
لشگرینی قیردی ئوزون رعد یترب ایله شمشیری بوینونا وردی که
اون قدم اوطرفه دوشدی اولارین تمام ماللارین غارت ایدیلر سورا
سرهنگه نامه یازدی که ای حرامزاده اگر ایستسن منیم زبانیم دگمسون
تیزلقنان سیمین عذاری کنیزلریله یولا والا مملکتوی زیرو زبر ایدرم
پس نامه ایله رعدین باشین بیرطبقه قویوب اوستونه سرپوش قویوب
سرهنگه یولادی اولمعاون چون طبقی گوردی گولوب دیدی شېرویه
قورخوسندان منه تحفه یولیب اما وقتیکه سرپوشی گوتوردی
غضبیلنوب نامه نی پاره پاره ایلدى پس کیوان دلاور که ایکی مین سوار
ایله برابریدی چاغیروب مین نفر قوشون ایله شېرویه نین دعواسنه

یولادی کیوان گجۀ رویاده گوردی که حضرت آدمین ایله مسلمان اولدی چون صبح اولدی لشگری ایله شیرویه نین حضورنه گلوب کیفیتی دیدی حاکمزاده اونا خلعت ویردی چون سرهنک بو قضیه دن باخبر اولدی غدار دلاوری اون مین نفر سواریلله یولادی کیوان شیرویه دن اجازه آلوب همان گچه غدارین سپانه حمله ایلدی غدار بسو طرفدن مقابلیه قالخدی جنک مغلوبه دوشدی کیوان اوزون غداره یترب قلنجی ایله فرقنه وردی که ایکی شقه اولدی پس کیوان اولارین خیمه وخر- گاهین غارت ایدوب قایتدلار شیرویه کیوانه چوخ احترام ایلدی چون سرهنک غدارین شکست یمافندان باخبر اولدی امر ویردی کیوانین ایون غارت ایلیوب وعیالین ئولدوردولر سورا امر ویردی لشگردورت آغاج شهردن کنار اردو وردیلار چون کیوان ئوزایوینین غارت الماقین اشتدی غمگین اولدی حاکمزاده اونا دیدی هیچ غصه ایلمه که انتقام آلاروق منظر حاکم دیدی ای فرزند امر ویر اردو کوچ ایلسون شیرویه امر ویردی اردو کوچ ایدوب کفارین مقابلنده صف باغلادیلار او گجۀ هر ایکی سپاه جنک طبلی چالیدی صبح اولاندان سورا شیرویه میدانسه گلینب مبارز ایشتدی بیر نفر مهیار آدلی پهلوان سرهنگدن اجازه آلوب میدانسه گلمدی شیرویه دیدی آدون ندور دیدی منیم آدیمی اشنسن بأغرون چاتدار منه مهیار پیروز دییرلر شیرویه گولوب دیدی معلوم اولور که چوخ دلاورسن مهیار غضبلنوب نیزه نی حاکمزادیه حواله ایلدی حاکمزاده نیزنی النندن آلوب قلنجی فرقنه ایله وردی که مرکبی ایله ایکی بولوندی اسلام لشگری بشارب طبلی چالیدیلار وشام لشگری قورخودان لر زیه دوشدی داهی هیچکس جرئت ایلمدی میدانسه گتسون

شېرويه ئوزون شام لشگر نه وردى واسلام لشگرى حملة ايلدى القصه
اسلام لشگرى اولارا شکست ويروب تا شام شهرين حصار نه جن
تعقيب ايدىلار ايلکه گجه اولدى باز گشت طبلى چالدىلار گجه شېرويه
سيمين عذارين هواسى باشنه دوشوب روانه اولدى

سرهنگ تمام دلاور لرى چاغىروب ديدى گوردوز بو گون بوجوان
نه شجاعت نشان وىردى ديدىلار ايشهريار اونون لشگريندن بير آز
سوار قالوب صباح اگر او رستمده اولسا ئولدورروق بو وقتده خبر
ويدىلر که حلب حاکمى اوتوز مين نفريله کمک گلير سرهنگ شاد
اولوب امروىردى اولارى شهر گتىردىلر

چون شېرويه قصرين ديوار نه يتشدى کمند اتوب ديوار دن آشدى
گوردى نازينلر اوتوروب ناز کبدن دىر آفرين شېرويه يه که منيم آتامى
اوقدر لشگريله شکست وىردى سيمين عذار آه چکوب ديدى هله اونون
جنگ ايلمافين هاردا گور مسن کاش بۇ گجه جمالين گورىدوق بو وقتده
وارد اولوب سلام وىردى سيمين عذار چون شېرويه نى گوردى بيهوش
اولدى فورا ناز کبدن اوزونه گلاب سپوپ هوشه گتىردى پس مجلس
قوروب عيش ونوشه مشغول اولدولار شېرويه غنچه دن سوروشدى سن
کيمسن غنچه آغليوب ديدى من حاکم شجائين قيزيم و اريمين آدى
جهانگير دور منى گلباردن بورا گتىروب تا آتاسين نجات وىرسۇن سورا
زندانه گيدوب و جنگ ايليوب ايندى بولمرم هاردا دور شېرويه سوروشدى
آتاسى کيمدور ديدى بولمرم ولى سنه چوخ شباهتى واريدى، سورا
ناز کبدن سوروشدى که سن کيمسن ديدى من سرهنگين قيزيه م که

نازنین لرین رفاقندن مسلمان اولموشام شیزویه چوخ شاد اولدی چون
 صبح آچلیردی حاکمزاده نازنین لیری وداع ایلیوب دیدی انشاء الله
 اللهین مددیه سیزی نجات ویررم پس روانه اولدی، چون صبح اولدی
 هر طرفدن طبل سسی بلند اولوب اول کسی که میدان قدام قوییدی
 شیرویه نامداریدی سرهنک دیدی بیر نفر اونا حریف اولا بولمز تمام
 لشگریردن حمیه ایلسون پس دریای لشگر جنبشه گلیب حمله ایلیدی
 بو طرفدن شیرویه اسلام لشگر نه امرویردی حمله ایلسونلر جنک مغلوبه
 دوشدی ولی چون اسلام لشگری آزیدور مغاصره ایلدیلر و اولارین
 خیمه و خرگاهین غارت ایتدبتر چون باز گشت طبلی چالندی شیرویه
 گوردی لشگردن او قدر قالمیوب اونا گوره عقب نشین لیق ایلدیلر بو
 طرفدن سرهنک شهره قایدوب عیش ونوشه مشغول اولدی

جهانگیرین شیرویه نامداره کماک گلماقی

اما چون جهانگیر یارالاندی ثوزون کناره چکوب بیر چشمه نین
 باشندا پیاده اولدی بیرنچه گون اوردا توقف ایلدی تا اینکه یارالاری
 یاخشی اولدی سورا شامه طرف روانه اولدی بولدا گسته می گوروب
 چوخ شاد اولدی دیدی ای دلارهارا گتماق خیالون وار دیدی چون
 یارالاریم یاخشی اولدی یولا دوشدوم تا سیزه یتشم بوزماندا توز
 قالخوب توزون آراسندان یوزعلم یوزمین لشگرین نشانه سی پدیدار
 اولدی جهانگیر گسته می یودی گورسون کیمدور گسته می بیر آزادان سورا

خبر گتیزدی که حاکم شجاع دور که سنه کمک گلیر حاکمزاده خوشحال
اولوب قباغه گتدی دیدی ایشهریار هارا ارادهز وار حاکم دیدی او
گوندن که سن گتدون لشگرتدار کی گوروب سنون دالنجا گلدیم نونی
دیوب حاکمزاده نی قوجا خلادی دیدی سن ئوز احوالاتوی بیان ایله
پس جهانگیر ئوز احوالاتین دیوب شامه روان اولدولار

واما چون صبح اولدی جتک طبلی چالینوب شیرویه میدانه
گتدی چون هچکس جرئت ایلمدی اونا مبارز گلسون سرهنک امر
ویردی لشگریزدن حمله ایلدی شیرویه شمشیری چکوب ئوزون دریای
لشگره وردی بیر قدر دعوادن سورا عرصه اسلام دلاورلرینه تنک اولدی
سرهنک ملعون مردم دیردی قویمبون جان قورتار سؤنلار بسو وقتده
توز قالخوب جهانگیر یوزمین لشگریله نمودار اولدی جهانگیر سرهنکی
لشگرین آراسندا گوردی تیغ آبداری چکوب او حرامزاده طرف گتدی
و یوزمین لشگرا ایله شام لشگر نه حمله ایلدی شیرویه تعجب دقالمشدی
که بونه لشگری دور جهانگیر ئوزون شیرویه یه یتروب دیدی ای دلاور
بیز سنه کمک گلمشوق شیرویه ئوز قلبنده نسبت جهانگیره محبت
احساس ایلدی ، حاکم شجاع و جهانگیر شام لشگر نه رلزله سالمشدی
شیرویه جهانگیرین زیر کلقدان حیرته قالمشدی ، جهانگیر اوجا
سیله تکبیر ووردی غیبه چون اونؤن سسین اشدی ایاقه دوردی
سیمین عذار دیدی نه وار غنچه دیدی جهانگیرین سسین اشدیم گویا
گلوبدور

آز قالبردی شام لشگری شکست یسون که باز گشت طبلی چالیدیلار

هره ئوزيرينه گتدی جهانگیر و حاکم شجاع گوردولر که شیرویه و
 حاکم منظرین خیمه و چادری یو خدور اولاری ئوز چادرلارینا آپاردیلار
 شیرویه جهانگیره دیدی سیرین سرهنک ایله نه ایچون دعوا ایلسوز
 جهانگیر دیدی آتامی سرهنک زندانه سالوب اونسان اوتیری گلشم
 شیرویه دیدی سنون آتاون آدی ندور دیدی آتام سلطان ملک مغربی نین
 اوغلی شیرویه دور قردشی ارچه سلطنت ایچوق اونی قوییه سالمشدی
 قویودان نجات تاپاندان سورا یمنه گیدوب خجند وزیرین قیزین آلمشدی
 من اوندان وجوده گلشم چون حالندن باخبر اولدوم گلدیم ئوزومی
 آتامین یولوندا فدا ایلیهم چون او بوسوزلری اشتدی بیهوش اولدی
 جهانگیر حیرتده قالوب منظر حاکمدن سوروشدی که بو نیه بیهوش
 اولدی حاکم دیدی بوشیرویه سنون آتاندور چون شیرویه نی هوشه
 گتیردیلار جهانگیری آغوشه چکیب امر ویردی بشارت طبلی چالیدیلار
 سرهنک باخبر اولوب دیدی او وقت که شیرویه تک اییدی باشارا
 بولمدوق ایندی که جهانگیر کمین اوغلی کمک گلیب نجه جنک ایده-
 جاقوق وزیر دیدی فکر ایلمه که زنگبار حاکمی قوشونیه گلیب بو حینده
 توز قالخوب یوز علم یوزمین لشگرین علامتی پدیدار اولدی سرهنکه
 خبر ویردیر که مسروقین سپاهی یتشدی سرهنک امر ویردی استقبال
 ایدوب مسروقی شکوه ایله بارگاهه گتدیلر مسروق دیدی خاطر جمع
 اول صباح بولارین لشگرین نابود ایلرم پس جنک طبلی چالیدیلار او-
 بیرسی گون لشگر بیریرینون مقابلنده صف چکوب جهانگیر شیریه دن
 اجازه آلوب مسروق دیدی بوجوان بیرزاد دگل ایندی یولارام باشین

گتيرسونلر بير نفر ياروق آدلى دلاورى ميدانه يۇلادى ياروق حاكمزاديه
 يتشممش يامان دىماقا باشلادى جهانگير نيزه نى آعزندان وروب آتدان
 يره سالدى آيرى ساروق آدلى بير دلاور ميدانه گلدى اودا ئولدى داهى
 هيچكس جرئت ايلمدى ميدانه گتسون پس سرهنك امرويردى لشگر
 بيردن حمله ايلسون شيرويه ده اوغلونون مدديله حمله ايدوب جنك
 مغلوبه دوشدى بو وقتده سرهنكين گوزى جهانگيره دوشدى كه شير
 كمين اونا طرف گلير ايستدى قاچسون ولى جهانگير يتشوب كمر بندندن
 ياپشدى جهانگير دلاور سرهنكى گويه قوزايوب قلنچ ورا ورا يول
 آچيردى اوملعون گوردى ئولجاق فورا كمر بندى كسدى يره دوشوب
 قاچدى اوگون آتا اوغول بير ايش گوردولر كه رستم دستان گورممشدى
 گون باتاندا باز گشت طبلى چالينوب هامى ئوزيرينه گتدى

شېرويه و جهانگيرين نازنينلرين ياننا گتماقى و سرهنكين باخبر اولماقى

چون گجة اولدى جهانگير شيرويه نين ياننا گليب ديدى اجازه وير
 سرهنكين حرمنه كيدوب غنچه دن باخبر اولوم شيرويه ديدى اوره گيم
 راضى اولمورسن تك گيده سن صبرايله منده گليم پس شمشير باغليوب
 روانه اولدولار چون عمارتين ياننا يتشديلر دورت نفر پاسبان اولار
 حمله ايلديلر اولار اوچون ئولدوروب بيرى قاچدى بو وقتده كاموس
 شبگرد قرخ نفر ايله يتشدى شيرويه ديدى ياخشى بودور بوسو يرينده

گیزلناق تا کاموس گتسون از قضا کاموس بیر نفری بولای سو گتیرسون
اولاری گوروب کاموسه خبر ویردی کاموس دیدی یاخشی اولدی که
الی باغلی گرفتار اولدولار پس قلنجی چکوب حمله ایلدی حاکم زاده لر
تیغ آبداری چکوب کاموسی قرخ نفریله تولدوردیلر سورا حرمه وارد
اولدولار بووقته غنچه ایله سیمین عذار دیردی که کاش بویکی حاکم
زاده بورا گلبدیلر اولار طاقت گتیرمیوب وارد اولدولار نازنینلر شاد
اولوب عیش ونوشه مشغول اولدولار بو طرفدن بیر نفر پاسبان که
قأچمشدی ثوزون سرهنگه یتروب قضیه نی دیدی سرهنگ امر ویردی
قوشون باغی محاصره ایدوب اولاری دوتسونلار حاکم زاده لر باخبر
اولدولار پس تیغی چکیب شعله آتش کمین او کافرله حمله ایدیلر او
گجه حاکم زاده لر کفارین قانیله حرمین باغین سوار دیلر، جنک ایله
ایلیه دروازه یتشدیلر منظر حاکم و حاکم شجاع باخبر اولوب لشگریله
شیرویه وجهانگیره کمک گلدیلر وسحره جن جنک ایدیدیلر

سیمین عذار دیدی یاخشی بودور که شیرویه نین اردوسنه گیداق
پس شهرین بیر دروازه سندن خارج اولوب روانه اولدولار چؤن صبح
اولدی سرهنگه خبر ویردیلر که نازنین ارقصردن گیدوبلر دنیا سرهنگین
گوزونده تیره وتار اولوب آغلاماقه باشلادی وزیر دیدی ایشهریار نقدر
شیرویه وجهانگیردیریدیلر قویمازلار سن سیمین عذارین وصالنه یتشه سن
مسرو قین سپاهنده ماهر عیارلر وار امر ویر شیرویه ایله جهانگیری
بیهوش ایدوب گتیرسونلر تا اولاری تولدیروب آسوده اولاق سرهنگ
دیدى من استیردیم نامردلقنان اولاری تولدورمیهم والا ثوزومون ایله

عیارلریم وار که نسیمی اوغورلارلرپس عیارلری چاغیروب دیدی گرهك
بو گجه شیرویه نی اوغلی ایله ییهوش ایدوب گتیره سوز عیارلر تعظیم
ایدوب روانه اولدولار سورا وزیر دیدی امرور میدانده قویی قازوب
ایچنده نیزه وصل ایلسونلر اگر عیارلر گتیره نمسه لر صباح میدانده قوییه
دوشسونلر سرهنك قبول ایدوب امرور دی میداندا قویی قازدیلار

نازنینلر یولی ایتیروب پرزاده لرین بیسه سنه یتشماقلاری

او گجه که نازنینلر شهر دن کنار اولدولار یولی ایتیروب صبح
وقتی بیربتشه یه یتشدیلر که هیچکس اورا گتمردی اورانون آدین بیسه
مهلکه قویموشدیلار چون هر کس اورا گتسیدی دی-ری قایته زدی ،
پیاده اولوب آیلاری بیر طرفده باغلادیلار ناگاه بیر عجیب سس گلدی
سیمین عذاز دیدی گلین گوراق بونه سسدور چون یاخین گتدیلر گوردوار
خیمه و خرگاه وار ولی هیچکس یوخدور و عطر ایگی بیسه دن گلیر
غنچه دیدی بورا پرلرین جایگاه دور ناز کبدن دیدی منده اشته مشم
که بورا پرلرین بیسه سیدور و هر کس بورا قدم قویسا دیری قایتمز
ایستدیار قایتسونلر ناگاه بیر قیز پدیدار اولدی که جمالنین نورندان
بیسه اشقلانندی دیدی نیه قاقیسوز گلین سیزی خیمیه آپاروم صحبت
ایلیاق دیدیلر سن کیمن دیدی من ماه منظر سرافراز حاکم پرینون
قیزی ریحانه نین کنیزیم منلن گلون و خاطر جمع اولون که منیم خانیموم
سیزی گوزی اوسته یرویر پس اولاری ریحانه نین حادر نه آپاردی چون

ریحانه اولاری گوردی تعجبهده قالب اولارا ئوز یسانندا یر ویردی
سوروشدی سیز کیمسوز اولار کیفیتنی شرح ویروب ریحانه دیدی
خاطر جمع اولون که الان انجمنی یولارام تا خبر گتیرسون پس انجمنی
چاغیروب روانه ایلدی

بو طرفدن شیرویه وجهانگیر هر قدر آختاردیلار نازنیناردن بیر اثر
تا پو لمادی اضطرابه دوشدولر حاکم شجاع دیدی صبر ایلون هاردا
اولسالار اولاری تاپارام پس سوار اولوب یولا دوشدی انجمن یسولدا
حاکم شجانی گوردی اونی ریحانین یاننا گتیردی غنچه آتاسنین ایاقلارینا
دوشدی ریحانه دیدی بو کیمدور غنچه دیدی بو منیم آتامدور پس
ریحانه امرویردی چراغلاری یاندیرسونلار اما سرافراز حاکم ایستدی
او گجه قیزینون یاننا گلسون نازنین لر واهمه ایدیلر ریحانه آتاسنون
یاننا گلدی سرافراز حاکم دیدی بو بیشهده بیر ایکی نفر آدمیزاد گوردوم
هاردان گلوبلر ریحانه قضیهنی دیدی حاکم دیدی نیه مندن گیزلنورلر
اولاری گتیرون فوراً نازنینلری حاضر ایلدیلر چون حاکم اولاری گوردی
دیدی نیه استیردون منی بوماهرولرین دیدارندن محروم ایده سن ریحانه
دیدی چون نامزدلری وارمناسب گورمدیم سن اولاری گوره سن بیر
گجه گونوز دور منیم یانیمدا قالبولار وئوز نامزدلرین اوتری بی قرار-
دیلار حاکم سیمین عذاره دیدی که گمان ایلرم شیرویه مندن یاخشی
اولا من پرلرین حاکمیم اگر گویلون اولسا سنی شیرویه دن آلموم
سیمین عذار دیدی اگر بوسوزی یسل شیرویه نین قولاقنه یتیرسه بیر
دقیقهده کوه قانین یدی قله سبن توپراقنان برادر حاکم دیدی او قدر
تعریف ایلمه آدمیزاد هر قدر دلاور اولسا دیو و پری ایله باشارا بولمز

ایندی یولارام شیرویه‌نی گتیرسونلر تا سنه معلوم آواسون فوراً بیر
نفری چاعیروب دیدی شیرویه‌نین یاننا گیدوب دینه که سرافراز سنی
چاغیرور انجم تعظیم ایلیموب دیدب اگر سیمین عذار بیرنامه یازسا
یاخشی اولار پس حاکمین امریله سیمین عذار بیرنامه یازوب اونا
ویردی انجم بیرنفریله گوه‌رچین اولوب پرواز ایلدی چون شیرویه‌نین
بارگاهنه یتشدی گوردی بیرنفرایث دریسی گیوب ایست کمین گدیر
بؤلدی که عیاردوروشیرویه‌نی ثولدورماقه گدیر اونی دوتوب یولداشنه
ویردی که آپاروب بیر آغاجا جزیرده باغلاسون پس ئوزشکلنه دوشوب
شیرویه‌نین یاننا گلدی پس سیمین عذارین نامه‌سین ویردی شیرویه
خوشحال اولوب جهانگیره دیدی سن لشگردن مواظب اول تا من
نازنین لردن خبر گتیریم پس غرق اسلحه اولوب انجم ایله روانه اولدی
انجم یولداشین یولادی که شیرویه‌نین گلاواقین خبر ویرسون ، چون
شیرویه بیر قدر یول گتدی بیرداغ گوروشدی که هر طرفدن اوت قالدور
بولدی که جادو دور اسم اعظم اوخویوب اوتدان گچدی بدون اینکه
بیر صدمه یتشسون انجم اونا آفرین دیدی، بیر آزدان سورا بیر بیشه‌یه
یتشدیلر ناگاه مین دانه قورد شیرویه حمله ایلدی او قلنجی ایله هامو -
سون ثولدوردی ، بیر آزدان سورا بیر بره یتشدی گوردی بیر حیله گر
قاری آرواد اوتوروب دوره سنده بیر قیز وار سوروشدی سیز کی مسوز
دیدیلر بیز بو آروادین قیزلاریوق پریلرون شاهی بیزی دوتمشدی
ایندی آزاد ایلیموب بورا گلמשوق پس قیز حاکمزادیه شراب ویردی
او قلنجی چکوب هاموسین ثولدوردی بیرنی دیری دوتوب دیدی

دوزون دیسن که سیز کیمسوز سنی ئول دورمرم دیدی سرافراز حاکم
 امرو یروب یدی بند سنون یولوندا باغلاسونلار بیزی یدی بنددن بیریدوق
 شیرویه اونى آزاد ایدوب یولا دوشدی، او دیو ئوزون حاکمه یروب
 دیدی ای شهریار او آدمیزاد که بیز گوردوق دیو و پری اونان باشارانماز
 سیمبن عذار دیدی گوردوز من دوز دیرم حاکم گولوب دیدی ایکی
 نفر دیو ئولدیروب اوندان قورخوم و سنون کمین نازنیندن ال گوتوروم
 ایندی گور اونا نیلیه جاقام سن هنوز منیم لشگرو ولایتمی گور ممسن
 شیرویه بیر قدر گیدندن سورا مقابلنده بیردریا نمودار اولدی اسم اعظم
 اوخویوب دریادن گچدی بیر قدر گدندن سورا بیر اژدها چخدی که
 آغزیندان اوت شعله سی آسمانه گدیردی حاکمزاده اوخی کمانه قویوب
 ایله اژدهایه وردی که دردم جان ویردی اوردان گچدی گوردی بیر
 قوجا کیشی اوتوروب چون شیرویه نی گوردی ایاقه قالخدی، دیدی
 سن کیمسن او کیشی جواب ویردی که بوردا چوخلی میوه وار من
 اولارین پاسبانیهم پس بیر ایکی دانه آلهما حاکمزادیه ویردی حاکمزاده
 بیردانه آلهما ییوب باشی گیجلیدی دردم قلنجی چکه ب اونى ایکی
 بولدی فوراً سوار اولوب یولا دوشدی بیر بولسوت قالخوب سیل
 کمین یاغیش یاغدی حاکمزاده اسم اعظم اوخوب یاغیش برطرف
 اولدی اوندان سورا سرافراز حاکم اولان بیشه یه یتشدیلر انجم
 حاکمزادیه تعظیم ایدوب دیدی آفرین اولسون سنه بؤلار هئی خواندی
 که سرافراز حاکم سنون یولوندا قرار ویرمشدی ایندی گل گیداخ که
 مبادا بیر نفر بیزیم حالمزدن باخبر اولاپس اونى نارنین لر اولان خیمه نین

دالسنآ پاردي حاكمزاده قولاق آسدي گوردی سيمين عذار ديير حاكم
 كه بوجور رفتار ايلير قورخورام شيرويه نين جمالين گورماق بيرده منه
 نصيب اولميه حاكمزاده طاقت گتير ميوب وارد اولدي سيمين عذار
 شيرويه ني قوجا قليب شراب ايچماقه مشغول اولدولار بو طرفدن انجم
 گيدوب تمام احوالاتي شرح ويردي حاكم ديدى ايندى هاردا دور
 انجم ديدى بيشه يه وارد اولوب هامى تعجب ايدوب حاكم امرويردي
 بير عده پرى كافورى شمع يانديروب حاكمزاده دن اوتري گتسونلر

القصه حاكمزاده پريلريله بار گاهه وارد اولدي حاكم ئوز قلوبنده
 ديدى بو حسن و جمال كه بوجوانده وار هيچوقت سيمين عذار منه
 ماييل اولميه جاق خلاصه سزافراز حاكم حاكمزاده ني ئوز يانندا
 او توردوب شراب ايچماقه مشغول اولدولار ايلكه هامى مست اولدي
 حاكم ديدى بوردا بير قيز وار اكر مايلسن دييوم گتيرسونلر شيرويه بو
 فكر نين كه سيمين عذار دور ديدى گتيرسونلر بير آزدان سورا بير ماهرو
 عشوه و نازيله مجلسه گلدى حاكمزاده تعجبده قالمشدى بولموردى او
 كي مدور حاكم ديدى بومنينم قيزيم ريحانه دور كه حسنده نظيري
 تاپولماز بوني سنه پيشكش ايليرم بوشرطنن كه سيمين عذار دن ال
 چكسن شيرويه ديدى من سيمين عذارين جسميه اومنينم روحيم دور و
 روحى جسمدن آيرماق ممكن دگل حاكم بولدى كه او سيمين عذارى
 ويرمز ريحانيه ديدى دور گيت تا بونون مطلوبين دييوم گتيرسونلر
 ريحانه دوروب گتدى حاكم ديدى بونون مطلوبين گتيرون او منتظر-
 يدور كه ناگاه خيمه يردن قويوب گويه گتدى شيرويه لاعلاج قالوب

آغلاماقه باشلادی حاکم شجاع بیسه ده دولانیودی شیرویه نی او وضعده
 گوردی علتین سوروشدی شیرویه ماجرانسی شرح ویروب دیدی
 جهانگیره دینه که اگر ایستین آتان سندن راضی اولسون گره که شامی
 تصرف ایدوب سرننگی ئولدوره سن و اگریمنه گتسن کیوان تاجری
 شامده حاکم ایله من ایندی نازیناردن اوتیری کوه قانه گدیرم پس
 وداع ایلایوب روانه اولدولار حاکم شجاع گیدوب کیفیتی جهانگیره
 مضطرب اولوب آغلاماقه باشلادی منظر حاکم دیدی ای فرزند آغلاما-
 قدان بیرفایده اولماز گره بیرایش گوراق که دشمنه غالب اولاق اوندان
 سورا لشگر گوتوروب بیزدد گیده روق

جهانگیرین شام سپاهیله محاربه سی و سرهنک ملعونین ئولماقی

چون آفتاب عالمتاب ئوز نوريله جهانی منور ایلدی جهانگیر
 امر ویردی جنک طبللی چالوب ایکی لشگر میدان صاف چکدی
 حاکمراده میدان گیدوب مبارز ایستدی سرهنک امر ایلدی لشگر حمله
 ایدوب بیردن محاصره ایلسون بو طرفدن اسلام لشگری حمله ایدوب
 جنک مغلوبه دوشدی شام لشگری تاب گتیرمیوب دالی قایتدی چوخ
 عده سی ئوزلری قازان قوییه دوشدولر حاکمراده سرهنکی تعقیب ایلدی
 ایلکه اونا یتشدی دیا که ای حرامزاده منیم الیمدن هارا گیدیرسن
 سرهنک سپری باشنا چکیب حاکمراده تغیی ایله وردی که اونی مرکبی

ایله ایکی بولدی پس اونون باشین کسب جدایه وردی شام سپاهی
اونی گورماقدان وحشته دوشدولر کیوان دلاور مسروقه طرف گندی
مسروق عمودی چکیب کیوانه حواله ایلدی کیوان اونون الین گویده
دوتوب عمودی الندن آلدی ایله قبه سپرندن وردی که مغزی پریشان
اولدی شام اهلی چون بو وضعیتنی گوردولر امان ایستدیلر حاکمزاده
دیدنی امان ایمانده دور اولار تمام مسلمان اولوب حاکمزاده امر ویردی
بتکده لری ویران ایلدیلر و عوضنده مسجد بنا ایلدیلر پس تمام شهر
اهلین جمع ایدوب کیوان تاجری تخت سلطنته اوتوردوب دیدنی بو
سیزین حاکمیر دور مبادا اونون اوامرندن سرپیچ لیق ایسه سوز پس
لشگر تهیه ایدوب بیشه مهلکیه روانه اولدی

شیرویه نین علاوه حاکمین لشکر یله قاف ممالکنه گتمه سی

اما چون شیرویه حاکم شجاع ایله وداع ایلدی بیشه ده بیر طرفی
نظر نده دوتوب روانه اولدی بیر قدر گیدنده سورا گوردی بیر نفری آغا جا
باغلیو بلر دیدی سن کیمن دیدی من عیارم شیرویه نین اردوسنه گدیردیم
من دوتوب بؤ حاله سالدیلار حاکمزاده اونی ئولدیروب یولا دوشدی
اوچ گجه گونوز یول گدندن سورا بیر داغین اتکنه یتشدی گوردی هر
طرفدن چشمه جاریدور پس آتی بیر طرفده باغلیوب شکاره گندی بیر
قدر گیدندن سورا بیر غجیب سس اشدی چون یساخنا گندی گوردی
هر قدر گوز اشلیر دیوار خیمه و خرگاه و روبلار حاکمزاده تعجبده

قالدی که بونه لشگری دور پس بیرصید شکار ایدوب کباب ایلماقه
 مشغول اولدی دیولر داغین باشندا اود گوردولر بیرری حاکمزاده نین
 یاننا گلیب دیدی ای آدمیزاد بوردا نه ایش گورورسن بورا دیولرین
 جایگاه دور دیدی آیری بره گدیردیم یولی ایتردیم ایندی دی گوروم
 بونه لشگری دور دیدی بو علاوه حاکم دیوین دور چون قردشی سرافراز
 حاکم پری قیری ریحانه نی علاوه حاکمین اوعلونا ویرمیراونا گوره
 لهگر آپاریر تا اوننان جنک ایلسون حاکمزاده چون ریحانین آدین
 اشدی آغلادی دیو دیدی قورخما حاکمین آدمیزاد دن خوشی گلر
 پس اونی اردویه آپاردی علاوه حاکم خوشحال اولوب اونی ئوز
 یانندا اوتوتدی حاکم احوالین سوروشدی دیدی سفرایدیردیم ولی
 ایروب بورا یتشدیم حاکم دیدی منیم قردشیم سرافراز حاکم پرینون
 بیرقیزی وار ریحانه آدندا هر قدر استیرم اوغلو ما آلام ویرمیر ایندی
 لشگر گوتوروب جنگه گیدیرم، خلاصه او بیزیسی گون لشگر کوچ ایدوب
 سرافراز حاکمین پرینین یاریم آغاجه غندا وردیلار علاوه بیر نامه بازدی
 که چوخه یی لشگریله خواستگار لقا گلشم اگر قیزی ویرسن هیچ والا
 قاف مالکین زیرو زبر ایدرم، پس نامه نی الماس آدلی بیر دیوه
 ویردی که سرافراز حاکمه یتیرسون حاکمزاده دیدی اجازه ویر منده
 الماس گتدیم دیدی منیم قردشیم چوخ بیروت دور قورخورام سنه بیر
 صدمه یتیرسون دیدی الماس مندن حمایت ایلر حاکم قبول ایدوب
 روانه اولدولار چون قصرین یاننا یتردیلر حاکمزاده دیدی من بوردا
 دور مشام سنی گوزلریم الماس روانه اولدی شیرویه بیر آغاجین یانندا

دورم شدى انجمن گوزى اونا دوشدى دیدى سبحان الله سیمین عذارین
 عسقى سنى بورا چکیب حاکمزاده آه چکیب آغلادی أنجم دیدى
 غصه ایلمه که سنون محبتیں منه تاثیر ایدوب بوردا اول تا سیمین -
 عذاردن خبر گتیریم انجم بار گاهه گلدی چون گجه اولدی سرافراز
 حاکم سیمین عذارى چاغیروت دیدى نقدر منى شیرویه دن قورخودوسان
 بودفه یولارام شیرویه نین باشین گتیرسونلر نقدر او دیریدور سن رام
 اولماسان سیمین عذار آغلاماقه باشلادی سرافراز حاکم گتدی انجم
 فرصتدن استفاده ایدوب شیرویه نی اورا کتدی حاکمزاده و نازنین لر
 عیش ونوشه مشغول اولدولار

علاوه حاکمیه سرافراز حاکمین محاربه سی

چون نامه سرافراز حاکمه یتشدی غضبیلوب نامه نین جوابین جنک
 یازدی و امرویردی ئوزقوشونی علاوه حاکمین لشکر نین مقابلنده
 صف چکدی جنک طبلی چالیوب سرافراز حاکمین فوشونونسان
 بیر سمندر آدلی دیومیدانه گلدی زرددن علاوه حاکمین اوغلی دیدی
 اذن ویر بودیو باشین گتیریم علاوه حاکم دیدی صبر ایله آیری آدام
 یولیوم پس شمیمه دیو اجازه آلوب میدانه گتدی سمندر عمودی
 شمیمه نین باشنا وروب مغزین پریشان ایلدی زردان بدون اینکه اجازه
 آلسون میدانه گتدی سمندر عمودی قوزادی که اونون باشنا ورسون
 زردان الندن دوتوب عمودی آلدی ایله باشنا وردی که توپراقتان برابر

اولدی سرافراز حاکم امرویردی حمله ایلسونلرپس دیو و پری حمله
ایلدی جنک مغلوبه دوشدی القصه آخشامه جن جنک ایلدیلر آخشام
باز گشت طبلی چالینوب هره ئوزیرینه گتدی گجه زردان دوروب
اسلحه گیدی علاوه حاکم دیدی ایفرزند نه اراده ن وار زردان دیدی
گیدیرم سرافراز حاکمی ئو لدورم دیدی اوره گیم راضی اولمورسنی
تک دشمنین اردوسنه اوتورم زردان دیدی خاطر جمع اول که سرافراز
حاکمین قوشونی هامسی مندن قورخور پس روانه اولدی تا اینکه
طلاییه یتشدی طلایه دیدی کیمنسن دیدی زردانم گدیرم سرافراز حاکمی
ئو لدورم اما سنی آغاچا باغلیرام ایلکه اونی ئولددوردوم سنی آزاد
ایدرم پس اونی آغاچا باغلیوب اوردان پاسبان شکلنه دوشدی حاکمین
باشی اوسته گلیب دیدی ای نابکار سنه عار گلور قیزیوی منه ویره سن
و شمشیری اونا حواله ایلدی حاکم باشین دالی چکیدی شمشیر یرره
دگلدی مامورلار توکولوب اونی دوتدولار اللرینه بندوروب حاکم
امرویردی اونا یوزتازیانه بیر آغاچ اویاندا حبسه سالدیلار واللی نفر
پاسبان تعیین ایدیلر چون بو خبر علاوه حاکمه یتشدی دنیا نظرنده تیره
وتار اولدی

شیره نین زردانه نجات ویرماقی

وسرافراز حاکمیه محاربه سی

شیره ایکی گون ایکی گجه نازینلریله قالوب اوچومنجی گون

ایاقه دوروب دیدی بیرایکی گونيله ایش اولماز گرهك چاره ایلماق پس روانه اولدی بیرمدت یول گتدی لشگردن بیرایر گورمدی بولدی که یولی ایتیروب بیریره یتشدی گوردی آلی نفر دیو وار دیولر چون آدمیزاد گوردولر حمله آیدیلر-رحا کمزاده شمشیری چکوب دیدی دوزون دیون که سیز کیمسوز دیدیلر زردان علاوه حاکمین آوغلی بوردا زندانیدور بیزا ونون پاسبان یوق شیرویه دیولری ئول-دوروب قویونون باشنا گلدی دیدی زردان خوشحال اواکه سنی نجات ویردیم زردان دیدی ای دلاور منی بوردابنده بنده وروب-لار شیرویه قوییه ینوب اونی آزاد ایلدی پس قویودان چخوب اردویه گلدیلر علاوه حاکمه خبر ویردیلر که آدمیزاد زردانه نجات ویروب گلیرلر علاوه حاکم خوشحال اولوب پیشوازه گتدی حاکمزاده نین اوزون-دن اوپوپ امر ویردی بشارت طبلی چالدیلار سرافراز حاکم طبل سسی اشیدیب علتین سوروشدی دیدیلر زردان خلاص اولوب حاکم غمگین اولوب حرمه گتدی گوردی هیچکس نوخدور کنیزلرین ببری دیدی باغدادیلار پس باغه گتدی گوردی هامسی خوشحال دیلار ئوز قلبنده دیدی بؤمدتده بولار بیردفعه گولمیوبلر ایندی نه اولوبکه هامسی خوشحال دور چون دقتله باخدی گوردی ریحانه نین دوداقین اوقدر سوروبلر که گوه ریب دیدی دوزون دی گوروم کیم بورا گلیب ریحانه دیدی آتاجان سنون قورخوندان کیم بورا قدم قویا بولر حاکم کنیزلری جاغیروب دیدی دوزون دیون والا هاموزی ئولدوره هم کنیز قضا نه نسی دیدیلر چون حاکم شیرویه نین آدین اشتدی لر زیه دوشدی ریحانیه بیر

سیلی وروب امر ویردی اونی بیر صندوقه قویوب دریایه سالدیلار و بو
بیر سیلری صندوقه سالوب سققدن آس دیلار و ماه منظری اولارا موکل
ایلدی

صبح وقتی ایکی لشگر صف چکوب حرب طبلی چالیندی شیرویه
میدانه گتماقه اجازه ایستدی علاوه حاکم دیدی ای دلاورسن قونا قسان
من سنی میدانیه یولامارام خلاصه حاکمزاده چوخ اصرار ایلدی علاوه
حاکم اجازه و یروب شیرویه میدانیه گیدوب مبارز ایستدی بیر دیو
عمود النده حاکمزاده حمله ایلدی حاکمزاده عمودی رد ایدوب
دیوین کمرندن یاپشدی او ملعون ییره وروب خنجر ایله قارنین جیردی
ایگی سپاه آفرین دیدی سرافراز حاکم امر ویردی لشگر حمله ایلسون
بو طرفدن علاوه حاکم امر ویردی قوشون حمله ایلدی القصه آخشام
باز گشت طبلی چالانوب دلاورلر جنگدن ال چکیب ئوزیرلرینه قایتدلار
کجه سیمین عذارین خیالی حاکمزاده نین باشنا دوشوب روانه
اولدی بیر قدر گیدن سورا گوردی بیر تخت قویوبلار اوستونده بیر
نفر او توروب باشندا چار وار ایستدی چادری گوتورسون بیر سس
گلدی که ای آدمیزاد ال ساخلا یتیردیم ایستدی باشین قؤزاسین ایله
بیر سیلی وردیلار که بیهوش اولدی چون هوشه گلدی گوردی نه باغ
وار نه تخت بیر حصار دور که هیچ کمنداونا یتشمز هر قدر دولانندی
دولانندی بیر بول تاپمادی بولدی که طلسمه دوشوب اللهه توکل ایدوب
یولا دوشدی

* * *

زردان دلاوريله غدار ديوين جنگي

وجهانگيرين چوخلي لشکريله کمک کلاماقی

سرافراز حاکم بیرایکی گون مهلت ایستدی تا ئوز سپاهین وضعین مرتب ایلسون اوچ گوندن سورا سبر گتیردیلر که امیر جنگل هشتادمین دیونن کمک گلیر سرافراز حاکم چوخ خوشحال اولوب پشوازه گتدی زردان وشیرویه دن چوخ گلایه ایلدی امیر جنگل دیدی خاطر جمع اول که اولاری قویمارام دیری قالسو ناپس امرووردی جنک طلبی چال دیلار علاوه حاکم تعجبه قالدی چون دشمن مهلت استمشدی مـاجرانـی خبر ویردیلر، زردان دیدی فکر ایلمه که صباح بولارین جوابین ویررم پس سحر چاغی هر ایکی طرف میدانده صف چکـدی زردان دلاور میدانه گیدوب مبارز ایستدی غدار دیو که چوخ شجاعدی میدانه گلیب عمودی زردانین قبه سپر نه ایله وردی که دیدی بس دنیانی باشنا وردیلار غدار دیدی علاوه هار دادور که زردانین سومو کلرین یغش دیرسون زردان دیدی مگر نه ایلمسن که بونی دیوب ایله عمودی غدارین باشنا وردی که یره یاپشدی سرافراز حاکم امـروـوردی لشگر حمله ایلسون جنک مغلوبه دوشای علاوه حاکم زردانه دیدی سن جنک ایلماقه مشغول اول تا من گیدوب کمک گتیریم چون لشگردن بیر زاد قالمیوب القصه بیرایکی گون جنگدن سورا زردان مهلت استدی بو طرفدن علاوه حاکم ایکی یوزمین نره دیو تهیه ایدیب روانه اولدی

چون جهانگیر و منظر حاکم و حاکم شجاع شامی تصرف ایدیلر
کیوان تاجری پادشاه ایدیب بیسه مهلکیه روانه اولدولار بیرمدتن
سورا بیرداغین دامنه سنده خیمه وردیلار حاکم شجاع دولانیری گوزی
دریای لشگره دوشدی هراسان قایدوب جهانگیره خبروردی جهانگیر
دیدی سیز بوردا اولون تا من خبر گتیریم پس سوار اولوب دیولرین
یاننا گلدی لافیس دیو اونی گوروب دیدی ایجوان بورداننه ایش
گوروسن ایگرمی گون بوندان قباق شیرویه آدلی بیرجوان بوردان بیزه
یتشدی حاکم اونا چوخ مهربانلیق ایلدی او حاکمین اوغلون زنداندن
قورتاردی ایندی معلوم اولور که طلسمه دوشوب، چون جهانگیر
آناسینن آدین اشدی آغلیوب دیدی او منیم آتامدور ایندی منده
لشگریله اوندان اوتری گدیرم خلاصه جهانگیرئوز لشگریله علاوه
حاکمین اردوسنه وارد اولوب بیرنچه گوندن سورا دشمنه یتشدیلر
سرافراز حاکمه خبر ویردیلر که علاوه حاکم و جهانگیر بن شیرویه اوچ
یوزمین لشگریله وارد اولدی سرافراز حاکم پریشان اولدی شراره دیو
دیدى هیچ فکر ایلمه که اولارین هامسین نافود ایلرم پس جنک طبلی
چالوب میدانده صف چکدیلر جهانگیر نامدار میدانده گدیب مبارز ایستدی
شراره دیو تیغی چکوب جهانگیره حمله ایلدی جهانگیر اونون اُلتن
دوتوب تیغی الندن آلدی ایله باشنا وردی که مرکبیه ایکی بولوندی
سرافراز حاکم دیدی قویمیون اوجان قورتارسون پس دیو و پری
جنبشه گلیب حمله ایلدیلر بو طرفدن علاوه حاکم و جهانگیرین سپاهی
تیغلری چکیب لشگره حمله ایلدیلر آخشامه جن جنک ایدوب گون
باتاندا ئوز یرلرینه قایتدیلار چون نصف شب اولدی جهانگیر اردودن

اشیگه چمخدی حاکم سوروشدی هارا گدیرسن دیدی استیرم بیر آز
دولانام زردان دیدی منده گلیرم جهانگیر قبول ایتمیوب تک روانه
اولدی

چون ریحانه‌نی آتاسی اونی دریایه آتدی میر جزیره و باجیسی
باخبر اولوب ساحله گلدیلر از قضا یل صندوقی ساحله گنیرمشدی اولار
صندوقی آچوب ریحانه‌نی ئوز ایولرینه آپاردیلار . جهانگیر چولده
گزیردی بیر باغین کنارینه یتشدی گوردی بیر عده نازنین اوتوروب
صحیته مشغول دیلار باغه وارد اولوب بیر گوشه ده دوردی نازنینلرین
گوزی اونا دوشدی ریحانه دیدی بو آدمیزاد کیمدور شیرویه که
طلسمده دور حتما أونون اوغلیدور او سلام ویروب دیدی ای نازنین
سن هاردان بولدون که من شیرویه نین اوغلبم ریحانه ماجرانی دیدی
جهانگیر دیدی گل گیداخ مبادا که آتاوون خبری اولا، علاوه حاکمه
خبر ویردیلر که جهانگیر ریحانه‌نی گتیروور حاکم شاد اولدی زردان
جهانگیرین یاننا گلیب دیدی من بونون عشقندن هلاک اولورام حاکمزاده
دیدی صبر ایلکه تاسرافراز حاکمی رفع ایلایق سورا بونی سنه ویرم
زردان مایوس اولوب قایتدی پس او بیرسی گون طبل چالنبوب جهانگیر
میدانه گلدی بیردیو میدانه گلیب ئولدی سرافراز حاکم امر ویردی
سپاه حمله ایلسون ایکی لشکر بیر بیرینه دگوب جنگ مغلوبه دوشدی
زردان فرصتدن استفاده ایدوب ایستدی ریحانه تجاوز ایلسون ریحانه
دیدی اگر ایستیسن مراده یتشه سن گرهک حاکمزاده نین سوزونه باخاسان
زردان دیدی قوی بیردقع دوداقلاریندان اپوم ایستدی قباقه یریسون
ریحانه گورچین شکله دوشوب پرواز آیلدی زردان مضطرب اولوب

مندانه گتدی آخشامة جن جنك ايديرديلر تا آسایش طبلى چالندى

جهانگیر و زردانین نازنینلرین یاننا گتمه سی

وجهانگیر بن ایله زردانین نولماقی

جهانگیر ریحانه نین گتمه افندان غمگین اولوب باغه طرف روان اولدی زردان دیدی منده کلیرم ناچار قبول ایدیب روان اولدولار ایله که یتشدیلر ریحانه قباغه گلیب جهانگیری قوجاقلادی جهانگیر ریحانه نین اورودن اپوپ صحبته مشغول اولدولار زردان شمشیری چکوب دیدی ای حیره سرمنیه حضوریمده ریحانه نی اوپوسن جهانگیر غضبلنرب قلنجی ایله وردی که باشی اون قسم او طرفه دوشدی. حاکمزاده اونون باشین سینه سی استه قویه ب ریحانه ایله باغ-ان خارج اولدولار سرافراز حاکمه خبر ویردیلر که زردان و جهانگیر باغه وارد اولوبلار اورو بردی باغی محاصره ایدیب اولاری دسنگیر ایلسونلرمام رلار باغه گلیب گوردور زردان اولوب حاکمزاده دنده اثر یوحدور گیدوب کیفیتى شرح ویردیلر سرافراز حاکم شاد اولوب امر ویردی بشارت طبلى چالیدیلر علاوه حاکم باخبر اولوب دنیا نظرنده تیره وتار اولدی سرافراز حاکم حرمه گیدوب نازنینلری صندوقدن چخارندی فولون سیمین عذارین بوینونا سالوب دیدی ایندی که شیرویه یوحدور و علاوه حاکمین اوغلوندا نولدور مشوق کل منی ثرر وصلندن کامیاب ایله سیمین عذار دیدی ایله که بولشگری نابود ایلدون طوی ایسدروق اوییرسی گون طبل چالینوب پس علاوه حاکم غرق آهن وفولاد اولوب

میدانه گلدی سرافراز حاکم امر ایلدی جمله لشکر بیردن حمله ایلسون
 دیو و پری جنبشه گلوب علاوه حاکمی محاصره ایلدیلر سو طرفدن
 حاکم شجاع و منظر حاکم قوشونیه حمله ایدوب جنگ و گریزدوشدی
 علاوه حاکم ئوزون سرافراز حاکمه یتیروب قلنجی ایله وردی که ایکی
 سپاه بی ردارتاب گتیرمیرب تسلیم اولدی علاوه حاکم تخته اوتوردی
 منظر حاکم و حاکم شجاع ئوز قیزلارینین یاننا گیدوب خرشحال
 اولدولار

شیرویه نین طلسمی سندیرماقی و شیرویه ایله جهانگیرین نازنینیرینن طوی

شیرویه اوچ گونیدی یول گئدیردی تا بیردریایه یتشدی ایستدی
 که ئوزون دریایه آتسون بیرسس گلدی که ای شیرویه ئوزوی سوا آتما
 ناگاه بیرقر جا کیشی پدیدار اولدی شیرویه سلام ویردی دیدی ای
 شیرویه بورا طلسمدور که عادل حاکم پری سنون آدوا دوزلدیب و
 لوحی منیم الیمده دور پس لوحی شیرویهیه ویریب دیدی ایجوان
 بو طلسمی که سندیردون من ئر لرم می دفن ایله شیرویه گوردی او حده
 یازوب که اسم اعظم اوخویوب دریایه قدم قوی بیرایوانه یتشرسر بیر
 شیرسه حمله ایلر شیری ئولدر طلسمدن نجات تاپارسان شیرویه اسم
 اعظم اوخویوب دریایه قدم قویدی بیرمدت یول گیدندن سورا ایوانه
 یتشدی بیرشیر اونا حمله ایلدی شمشیری آتوب شیری نولدوردی قباقه

یریدی گوردی قوجا کیشی ئولوب اونی دفن ایلدی گوردی طلسمدن
 آثار بوخدی شاد اولدی بو حینده جهانگیر ایله ریحانه یتشدی شیرویه
 جهانگیرین اوزوندن اوپوپ احوالاتی سوروشدی جهانگیر قضایانی
 شرح ویردی شیرویه ساد ولی زردانین بابتدن غمگین اولوب دیدی
 بیز علاوه حاکمه دوز چوره کیم مشوق گره ک اونی ئولدورمیدون، علاوه
 حاکم شیرویه نین گلماقندان باخبر اولوب پشوازه گلدی شیرویه شمشیری
 النده قباقه گلیب دیدی جهانگیر بیر خلاف ایش گوروب ئولدور یسن
 ئولور باغیشلسان باغشلا علاوه حاکم دیدی بیر ایشدی اولوب روز -
 گاردن شکایت ایلماق اولماز پس قصره وارد اولوب تخته اوتوردی
 امرویردی طوی تدار کی گورسونلر پس برخوش ساعتده سیمین -
 عذاريله ناز کبدین عقیدین شیرویه و غنچه ایله ریحانه نین عقیدین
 جهانگیره اوخویوب طوی دوتدولار. بیرمدتدن سورا علاوه حاکمی
 قاف ممالکته حاکم ایدوب ئوزلری یوزمین دیو ویوزمین پیری و
 یوزمن آدمیزاد ویشمار گنج لر ایله یولا دوشدولر بیرمدتدن سوراروم
 سرحدنه بتشدیلر

شیرویه نین ئوز قردشی ارچه ایله محاربه سی

چون شیرویه روم سرحدنه یتشدی ارچه خبر ویردیلز که سلیمان
 ثانی دیو ویری لشگریله جنگه گلیر ارچه وحشته دوشوب وزیرلری
 جمع ایلدی وزیرلر دیدیلر یاخشی بودور که لشگریه یه ایدیب بیر نفر
 اورا یولیاق شاید آیزی یره استیر گتسون واگر دعوا یه گلیب دعوا

ایلیاق پس امرویردی لشکرتیه ایلسونلر بیر آز مدتده اوچ یسوزمین قوشون جمع اولدی، ارچه خبرویردیلر که دشمن شهرین یاسخئلقنا یتشوب ارچه تعجب ایلمدی که بولار بوقدر یول گلیبلر هیچکسه زیان ورمیوبلر پس امرویردی بیرنامه یازدیلار که ایشهریار سیزین لشکر گتیرماقیرون علتی ندور اگر گنج وجواهرایچوندور بویورون و اگر جنک ایلماقه گلمسوز گویا روم ولایتین سپاهندن بی خبرسوز پس نامه‌نی بهادر آدلی بیر شخصه ویروب بارگاهه یزلادی شیرویه بارگاهده سیر ژبان کمی اتوروب ساغ طرفده جهانگیر اللی مین دیو وپری ایله سول طرفده حاکملار و سرکرده لر زرین تختلرده اوتورمشدیلار جهانگیر دیدی آتاجان علت ندور که نوز آدوی سرافراز حاکم پری قویموسان شیرویه دیدی ایفرزند اگر بوردا منی تانیسالار سرزنش ایده‌لر بوقتهده بهادر وارد اولدی چون شیرویه‌نین بارگاهین گوردی قورخودان سجده دوشدی شیرویه دیدی نه مطلبون وار بهادر نامه‌نی ویردی شیرویه نامه‌نی اوخویوب دبدی حاکمه دینه که من مال و دولت ایچون بورا گلمشم الله منه اوقدر ملک و ثروت ویروب که حد و حسابی معلوم دگل اما منیم بیر حالتیم وار که اگر مشرقده اولام اشیدم که مغربده بیر نفره ظلم اولوب تا اونون انتقامین آلمیم آرام اولمارام ایندی گلمشم شیرویه‌نین انتقامنه سنون تاج و تحتوی بیریرینه ورام وئوزوی دوتوب دنیانی دولاندیرام تا او بیر سیلزه عبرت اولسون پس بهادر شهره گیدوب ماجرانی ارچه خبرویردی ارچه امر ویردی لشکر شهردن کنار خیمه رورب جنک طلبی چسالدیلار او بیرسی گون ایکی لشکر بیریرینون مقابلنده صف چکوب جهانگیر میدانه گندی دیدی ای ارچه اگر کیشی

سن ئوزون ميدانه گل بيرنفر سرداردن ميدانه گليب دیدی ای خیره سر
سن کیمسن که سلطانی مبارز استیسن بونی دیوب نیزه نی جهانگیره
حواله ایلدی جهانگیر نیزه نی رد آیدوب اونون کمرندن یساپشوشدی
اویی گویه گوتوروب ايله یره وردی که سومو کلری سندی خلاصه او
گون جهانگیر ایگرمی نفری ئولادوردی ارچه امرویردی لشکر حمله
ایلسون شیرویه ده ئوزلشگریله حمله ایلدی جنک مغلوبه دوشدی
شیرویه ئوزون جهانگیره یتوروب دیدی مواظب اول ارچه نی ئولدو-
رمیه سن چون آند ایچمشم هر کس ارچه نی ئولدورسه منده اونسی
ئولدورم جهانگیر علین سوروشدی اودیدی سورا بولرسن ایندی
اونی دوتا بولسن دوت ولی مواظب اول بدنندن ناقص اولماسون
جهانگیر ئوزون لشکره وروب ارچه یتشدی ارچه اونا حمله ایلدی
جهانگیر ارچه نین حملاتین رد ایلیردی ارچه نین شمشیری جهانگیرین
الین یارالادی جهانگیر غضبانوب دیدی من آتامین امریله سیان جنک
ایلمردیم ایندی آل جوابوی شیرویه گوردی آز قالیر جهانگیر ارچه نی
ایکی شقه ایلسون دیدی ای جهانگیر دیدیقیم سوزیادندان چقماسون
ارچه فرصتدن استفاده ایدیب قاچدی آقصه آخشام چاغی ساز گشت
طبی چالینوب هره ئوزیرینه رهسبار اولدی او گجه گچدی صبح وقتی
ایکی طرف جنک طبلی چالیب میدانده صف چکدیلر شیرویه غرق
آهن و فولاد اولوب میدانده گلدی دیدی ارچه میدانده گل جنک ایلپاق
هر کس مغلوب اولسا اونون قوشونی تسلیم اولسون ارچه لاعلاج
میدانه گليب جنگه مشغول اولدولار نیزه و تیردن مراد حاصل اولمادی
ال شمشیره آپاردیلار عاقبت شمشیر لر خرد اولدی پس آتدان پیاده

اولوب گولشماقه مشغول اولدولار شىرويه آللهي ياد ايدوب ارچهنى
 يره وردى اونون ال قولون باغليوب ئوزلشگر نه تحويل ويردى ارچه-
 نين سپاهي تسليم اولدى شىرويه و تمام حاكملار و سر كرده لر زرنكار
 اطاقه گيدوب جشن دوتولار چون شىرويه نين گوزى آتاسنين تختنه
 دوشدى آغلادى پس تخته اوتوروب هاميه خلعت ويردى جهانگير ديدى
 آتاجان بو نه رمزدور كه ارچهنى ئولدور مسن ديدى چ-ون سنون
 عموندور و تمام احوالاتى شرح و يروپ ديدى ايندى اونى يدى گون
 زندانه سالوب يتمش يازيانه و ررام سورا حاكمايقى اونا وا گذار ايلرم
 جهانگير شاد اولدى هر گون جهانگير شىرويه ايله زندانه گيدوب ارچه
 سلام ويرير ديلر ارچه حيرتده قاله شدى فكر ايليردى كه برلار اونون
 سپاهندن قورخورلار يدى منجى گون شىرويه امر ويردى ارچه يتمش
 شاللاق ورديلار ارچه شىرويه ية ديدى سنون مندن بوجور رفتار ايلماق
 علتى ندور شىرويه ديدى من سنون قردشين شىرويه يه ام ارچه بونى
 اشتماق همين بيهوش اولدى نچه گوندن سورا ارچهنى تخته اوتوردوب
 خوشلقنان زندگانلىق ايدير ديلر

شىرويه چوخلى سپاهيله قاف ممالكنه گيدوب عنقاي ديو ايله جنك ايلماقى

بير گوز علاوه حاكمدن بير نامه يتشدى شىرويه نامهنى اوحو-ي
 كوردى يازيب كه اى حاكمزاده عنقاي ديومنلن مخالفت ايليز من
 اوبور عهده سندن گلاميرم ئوزيوى تيزلقنان يتير . شىرويه امر ويردى

سپاه جمع اولوب زوانه اولدولار بو طرفدن عنقا بولدی که علاوه
 حاکم شیرویه‌نی کمک چاغیروب خرچنک آدلی یوردیو چاغیروب
 دیدی هر نه ایسته سن ویررم بو شرطنن که شیرویه‌نی دوترب بورا گتیره-
 سن خرچنک قبول ایدیپ روانه اولدی ایکی گوندن سورا شیرویه‌نین
 اردوسنه یتشدی بیر گوشه ده پنهان اولدی تا اینکه فرصت تاپدوب
 شیرویه‌نی بیهوش ایدیپ عنقانی یا آنا آپاردی عنقا اونی بیر تخنه پاریه
 باغایوب دریایه اوتوردی سحر چاغی جهانگیره خبر ویردیله که گجه
 شیرویه‌نی آپاروبلار جهانگیره ارچه سردار لر هریانی اختاردیلر شیرویه‌دن
 بر اثر تاپولمادی غمگین اولدولار ناچار اردونی کوچ ویریب قافه
 یتشدیلر عنقابه خبر ویردیله که شیریه‌نین فوشونی یتشوب امر ویردی
 جنک طلبی چالیدیلر او بیر سی گون میدانه گیدیپ جنک ایلماقه مشغول
 اولدولار آخشا چاغی باز گشت طلبی چالینوب هره وزیرینه مراجعت
 ایلدی

شیرویه‌نین دریادن نجات تاپماقی و گاوسر لرین جزیره‌سینه گتماقی

چون شیرویه ه شه گلدی ثوزون دریاده سرگردان گوردی
 بولدی که سپهر عدار گنه اونا حیا ایدیپ اللهه تو کل ایلدی یل یاواش
 یاواش اونی ساحله گتیردی حاکمزاده جزیره ده بیر قدر میوه بیوب
 قوته گلدی جزیره ده دولانردی گریزی بیر نفره دوشدی که بدنی انسان
 کیمین ولی باشی اینک کیمیندور حاکمزاده‌نین مانا گلیب دیسدی ای
 آدمیزاد سن هارا بورا هارا گل سنی حاکمین یا آنا آپاروم شیرویه دیدی
 منیم حاکمین بیر ایشیم یو خدی دیدی اگر ثوزون گلمه سن زور یله

آبار اجاقا- حاکمزاده اونون باشمداڭ بویو- وروق ایله وردی که بیهوش
 اولدی ایلکه هوشه گلدی: قاچیرب حاکمین بارگاهنه گتدی و تمام
 ماجرائی شرح و بردی حاکم دیدی بوجور که تعریف ایدیرسن شیرویه
 اولاجاک پس توز- شیرویه نین یاننا گلدی حاکم شیرویه نین جمال و
 شجاعتندن حیران قالوب دیدی ایجران سن بوردان نه اش گورورسن
 یقین که شیرویه سن والا ایندییه جن به را آدمیزاد قوم قویمیوب بسورا
 گاوسرلارین جزیرد سیدور من فریدون خاور زمین حاکمیم اوغلیام گاو
 سرلر آتامی ثواب ووردولر و منی بورا کتیرب توزلار نه پادشاه ایلدیلر
 حاکمزاده دیدی باخشی آنلادون من شیرویه یهم عنقای دیوم کریلمنی
 گجه یردیلر-ن اوغرلیوب دریایه سالدی بچه گوئیدل دریاده سرگردا-
 ندیم تا ایلکه الله نجات ویردی گردک گیدوب اولمعاونی تولدورم فریدون
 دیدی منده گلیرم پس گاوسولرین سپاهیله روانه ایلدولار

بو طرفدن دلاورلر عنقانی قوشونون به ک حزا- یرد تو کوردولر
 عنقا گوردی قوشونلار بیزاد قالیمیوب تورقویلی داشماقه ارقضایرلار
 حاکمزاده راست گلدی حاکمزاده شمشیری وروب اونوی ایکی بولدی
 گادسرلار اون باشین نیزه-روب یولادوشدولر جهانگیره خبریتشدی
 که شیرویه عنقانی تولدوروب گاوسرا یله گدرجهانگیره خبریتشدی
 استقبال ایلدی شیرویه علاوه حاکمه نامه یاروب احوالاتدن باخبر ایلدی
 علاوه حاکم قوشونیه پشوازه گلیب دیدی ایشهریار بوردان قالماقین
 فایده سی یو خدور گلین کلمستان ارم باغنه گی-اق شرویه امر ویردی اردو
 کوچ ایدیپ کلمستان ارمه یتشدیلر

جهانگیر نامدار یله حورالعین علاوه حاکمین قیزینین طوی

حاکمزاده ر-یر باغه یتشدیلر که گل لارین عطرندن آدمین روحی

نازالانیردی شیرویه تمام قاف مملکتین بوبو کلرین چاغیروب دیدی
 علاوه حاکم سیزین حاکمزدی هر کس اونون امرندن سرپیچ لیق
 ایلسه عنقای نابکاری ئولدورن کمین اونو دا نابؤد ایلرم هامی تعظیم
 ایلدی اوندان سورا شیرویه علاوه حاکمین قیزی حورالعینی جهانگیره
 خواستگارلیق ایلدی علاوه حاکم موافقت ایدی شیرویه خجندوریره
 نامه یازدی که چون جهانگیرین طویی دور وسیز اواماساز طوبون
 صفاسی یوخدور اونا گوره بونامه یتشماق همین تشریف گتیرون که
 هامی منتظر یزدور بس بیردیو چاغیروب دیدی بونامه یی یمنه آپاروب
 خجند وزیر و برسن و اونی تزارقان قورا گتیردیو قول ایدی بیر آرز
 زماندا ئوزون یمنه یتیردی خجند وزیرین ایوینه گبدوب نامه نی ا
 تسلیم ایلدی خجند وزیر گچهریه خبر و بردی ایلار چوخ خوشحال
 اولوب هر ایکسی تخته اوتوردولار یوتختی گریه قوزایوب
 شیرویه نین قسرنده یره قویدی جهانگیر آسین گورماقدان چوخ
 خوشحال اولدی شیرویه امر و بردی تمام گلستان اروی بزه دیلر منجم لر
 خوش ساعی تعیین ایدوب حورالعینین عقدین جهانگیره اوخودولار
 نازنیلر حورالعینه زینت و یروب جهانگیری غرق جواهر ایلدیلر پس
 زرنکارده اولارین الین بیر بیرینه ویردیلر حاکمراده حورالعینین اوزوندن
 اوپوپ بیر بیرینون وصلندن کامیاب اولدولار چون سحر اولدی تمام سپاه
 مبارکباد دیوب جشن دوندولار اوندان سورا شیرویه اوآداملار که
 ئوز وطن رنندن دوشموشدیلر مرخص ایلدی حاکم زاده ار یمنه قایدوب
 شیرویه حاکم لیق نختنه اوتوردی بیر مدته جی عدل و داد ایله سلطنت
 ایدیردی ایلکه فوجالدی جهانگیری حاکم ایلدی خوشلوفنار زند گاللیق
 ایدیردیلر تا اینکه دارفانی نی وداغ ایلدیلر . پایان

بو کتابدار حاضر اولوب

غرب عاشیق ایله صنم
رستم نامه

